

REFERAT Kommunalbestyrelsi d. 03-10-2023

Mødedato Tirsdag d. 03. oktober 2023 kl. 16:00

Mødested Kommunalbestyrelsip ataatsimiittarfiani

Indholdsfortegnelse

Saqqa.....	3
Oqaluuserisassat akuerineqarneri.....	4
Nalunaarutit.....	5
Kommunalbestyrelsimit ilaasortaajunnaarnissamik qinnuteqaat.....	8
2023-mut missingersuutit pillugit isummaqatigiissummi anguniakkanut takussutissiaq.....	11
Paamiuni tinutititarfiup suliarineqarnerata naammassineqarnissaa.....	13
Kommunimut pilersaarummut tapiliussassatut siunnersuut 3A3-9 Kangillinnguit, Nuuk pillugu tam	16
Kommunimut pilersaarummut tapiliussassatut siunnersuut 1A18-3 C. E. Janssensvejimi inissiaqarfi	19
Kommunimut pilersaarummut tapiliussaq 3C9-1, Inuussutissarsiuqarfik mittarfiup qanittuaniittoq	22
Angalanermit nalunaarusiap malinnaaffigineqarnera.....	25
Missingersuutiniq malitseqartitsineq – TB2.....	32
Nuup Bussii A/S - Aningaasaqarnikkut inissisimaneq.....	36
2024-mut missingersuutit siullermeerneqarnerat.....	39
Kommuneqarfik Sermersuup aamma Københavns Kommuniata akornanni illoqarfittut ikinngutigiiit	43
Ukiumut atuarfiusumut 2023/2024-mut ilinniartitsisunik pisariaqartitsinerup misissuiffigeqqissaarn	47
Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isu	51
Kommunimut pilersaarummut tapiliussap 4C7-1 Unaaq, Nuuk inaarutaasumik akuersissutigineqarn	55
30D6-imut, Naasuliartarpi/Blomsterdalen, Tasiilaq, aalajangersakkat nutaat siunnersuutigineqartut :	58
2023-mut Pilersaarusiornermut Periusissap inaarutaasumik akuerineqarnera.....	61
Tasiilami B-51-mik nutaamik inissiineq.....	66
Pilersaarutitut qinnuteqaatip Nuna Immikkoortoq Nutaaq inaarutaasumik akuersissutigineqarnera...	69
Lukket.....	74
Lukket.....	75
Imaqarniliap akuerineqarnera.....	76

Punkt .: Saqqaa

Beslutning

Ataatsimeeqataasut:

Avaaraq Olsen (IA)
Charlotte Ludvigsen (IA)
Juaaka Lyberth (IA)
Uju Petersen (IA)
Inge Olsvig Brandt (IA)
Naya-Sophia Lyberth (IA)
Lone Rosengreen Pedersen (IA)
Harald Bianco (IA)
Justus Hansen (D)
Peter Davidsen (S)
Laura Táunâjik Uitsatikitseq (S)
Dines Mikaelson (S)
Doris J. Jensen (S)
Storm Ludvigsen
Gustav Brandt (D) -imut sinniisuuvoq Poul Petersen (D)

Attaveqaatitigut peqataavoq:

Ken Madsen (N)
Emanuel Nûko
Dorthe-Marie Mogensen-Fontain (S)

Ataatsimeeqataasinnaanatik nalunaartut:

Poul Petersen (D)
Mala Høy Kûko (S)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Borgmester Avaaraq Olsen-p nalunaarutai:

Arsummut angalaneq

Aggustimi Kommunalbestyrelsi Paamiuni ataatsimeereernerata kingorna Arsummut Kommunaldirektøri peqatigalugu angalasimavunga, taamaasillunga Kommunerujussuartsu Nunaqarfiit tamakkerlugit angalasunga ukioq manna. Tamanna nuunaarutigaa.

Arsummut kingusinaarluta tikikkatta Kangilinnguit Ivittuullu alakartersinnaasimangilakka, taamaakkaluartoq Nunaqarfimmi Aqutsisut peqatigalugit nunaqarfimmi alakkartigassat alakkartersimavagut, unnukkullu innuttaasut peqatigalugit Katersortarfimmi nereqatigiissimalluta oqaloqatigiillutalu.

Siornatigut tunumi angalaarsimanagera pillugu nalunaarutigeerpara Nunaqarfimmi angalaarnitsinni malitseqartitsinissaq Nunaqarfimmut pilersaarummik suliaqarnermi ilannguneqarumaartut, tamannalu ulluni makkunani suliarineqarleruttoq.

Nunaqarfimmi Aqutsisut siulittaasui Nuummi ataatsimeeqatigineri

Nunaqarfimmi Aqutsisut siulittaasui sisamat (Peter Utuange, Niels Ole Utuaq, Hanne Jakobsen aamma Ingvar Motzfeldt) nuummeeqqammerput. Siornatigut nalunaarutigeriikkattuut Nunaqarfimmi Aqutsisut siulittaasui nunaqarfimmi ingerlatsinermut tunngatillugu pitsannguuteqarsinnaasut pillugit qanimut eqqartueqatigineqartarnissaat kissaatigisimavara. Taamaattumik ukioq manna missingersuutit suliarineqarneranni Nunaqarfimmi Aqutsisut siulittaasui allatukanneq peqatigineqarnissaannut aqqissuussimavugut. Taamaasilluta Nunaqarfimmi Aqutsisut aamma ingerlatsiviit peqatigalugit nunaqarfimmi aqqiissutissanik sammisaqarsimavugut suliaassanullu killiffissiusimalluta. Pisarnerput malillugu aamma qaammata pingasukkaartuni siulittaasut nunaqarfimnullu ataqatigiissaarisut peqatigalugit tallimangormat iluatsilluartumik ataatsimiisimavut. Ataatsimiinnermi Inoqarfimmut minnernut pilersaarut maannakkut suliarineqartoq aamma sammisimavarput. Taannalu kingusinnerusukku Kommunalbestyrelsimi sammineqarumaartoq nalunaarutigisinnaavara.

Borgmesteritut ivertinneqareema kingorna kissaatigisimavara Nunaqarfimmi Aqutsisut nunaqarfiit pillugit pitsaaneruseqarsimavugut suliaqarnerunissaat sulissutigerusullu, tamannalu timitaleriartuaarneqartoq takusinnaagakku assut iluarisimaarnarpoq.

Kalaallit Nunaanni Timersoqatigiit Kattuffiata (GIF) ukiuni 70-ngortorsiorluni nalliuttorsiorinissaannut Septemberip ulluisa 02-ani ualikkut Hotel Hans Egede-mi ilasseqatigiinnermut peqataavunga.

Amerikkarmiut konsuuliat Monica Bland aamma Senior development advisor Elizabeth Feary, septembarip ulluisa 05-ani ilasseqatigiinnertamik naapissimavakka.

Ulloq taanna aamma **National Flagdag - Nuna tamakkerlugu ulloq erfalasulertik** malunnartinniarlugu pisarneruq Illoqarfup katersugaasiviani "Nuutoq"-mi ingerlanneqarsimasoq aamma peqataaffigisimavara. Ilasseqatigiinneq ukiut tamaasa aqqissuuneqartartup siunertaraa sakkutuutoqqat iliuuserisimanikuusaat pisortatigut ataqinaammik ulloq taanna nersualaarneqartarnerat.

Septemberip ulluisa 07-ani **Naluttarfik Malik ukiunik 20-ngortorsiornerani peqataasimavunga**. Ulloq malunnartinniarneqarpoq assigiinngitsutigut. Nipilersortoqarluni, oqalugiartoqarluni saqqummiisoqarsimavoq.

Inuusukombest-mut qinersineq ingerlanneqarsimavoq septembarip ulluisa 15-ani. Kommuneqarfik Sermersuumi atuutut 72 klassini 7, 8 aamma 9-meersut qinequsaarsimapput. Katillugit 23 qinigaasimapput, qinigaasullu ukuimoortumik aappaagut 2024-p aallartinnerani maani Nuummi katersuutissapput. Ajourluartumik Arsummi aammalu Sermiligaami qinequsaartoqarsimangilaq, tamannalu sumik peqquteqarnerisoq Pisortaqtigiiit Allatseqarfiannit paasinianeqarpoq.

Septembarip ulluisa 15-ianni Nunarsuaq tamakkerlugu tamat oqartussaaqataanerannut ullorititamat atatillugu Nuummi GUX pulaarpara. Siornatigut nalunaarutigiga Meeqqat ulluat, ilaqutarii ulluat aamma ukioq manna aarlartissimavarput. Matumani inuiaqatigiinni ajornartorsiuutaasut maanna atuuttut atuutulerumaartullu ilinniartut ilaannit qanoq isigineqarnerisut ilaatigut saqqummiisoqarpoq. Ajornartorsiuutit taakkartorneqartunut aqqiissutissatut

siunnersuutaasinnaasut pillugit ilinniartunik oqaloqatiginnippunga. Saqqummiussaasa novembarip qaammataani Kommunalbestyrelsimut ilisimatitsissutitut saqqummiunneqarnissaa naatsorsuutigaa. Tamatuma saniatigut aappaagu tamat oqartussaaqataanerannut ullorititap Kommuneqarfik Sermersuumi inoqarfinni tamani malunnartinneqarnissaa aamma pilersaarutaavoq.

Danskit ministeriat Louise Schack Elholm, (kirkeminister og minister for landdistrikter) Septemberip ulluisa 22-ani Kapisilinnut aammalu Neriunamut angalaqatigisimavara. Angaanerup siunertarisimavaa nunaqarfiit pillugit paasisassarsiorneq alakkarterinerlu.

Suliffeqarnermut Isumaginninnermullu Ataatsimiititami siulittaasup Inge Olsvig Brandt (IA) nalunaarutai:

Oqartussaaffeqarfik

Septembarip ulluisa 15-ianni René Kvist oqartussaaffeqarfimmi pisortatut atorfinissaaq. Inatsisilerituutut ilinniagaqarpoq Nukissiorfinnilu atuisunut pisortatut misilittagaqarluni. Sulisunit suleqatiniillu tikilluaqquneqarluarpoq.

Inunnut innarluutilinnut aamma Tarnimikkut nappaatilinnut Immikkoortortaqaarfik

Inunnut innarluutilinnut sapaatip akunneritinneqartumut atatillugu Inunnut innarluutilinnut aamma Tarnimikkut nappaatilinnut Immikkoortortaqaarfimmit siorna suliniutaasoq aallutiinnarniarneqarpoq, tassa najugaqatigiiffittut neqeroorutini najugaqartunut sapaatip akunnerani 41-miinnaanngitsumi sapaatilli akunnerini sisamani aaqqissuussillutik. Najugaqatigiiffittut neqeroorutini ataasiakkaani najugaqartunut ataatsimut aaqqissuussisoqarluni aamma sapaatip akunnera 41-mi tallimannngornikkut OCN pillugu aaqqissuussisoqarneratigut. Nutaatullu aaqqissuunneqassalluni illoqarfimmiunut ersinngitsumik innarluutilinnut ammasumik aaqqissuussineq.

Utoqqarnik suliaasaqarfik

Ulloq 20. septembari Utoqqaat Illuanni ataatsimut nereqatigiipput. Nerisarfik ukiarpalaartumik pinnerarneqarpoq, naasunik balloniinilu kusassaasersorlugu. Taakku saniatigut tikilluaqqusilluni oqalugiartoqarlunilu nipilersukkanik appisimaartoqarpoq. Najugaqartut aaqqissuussaaq nerisallu assut nuannaarutigaa.

Meeqqanut Ilaqutariinnullu Ataatsimiititami siulittaasup Naya P. Lyberth (IA) nalunaarutai:

- Tasiilap nunaqarfiisalu ataatsimiititami tikeraarneqarnissaat septembarimi pisussaagaluartoq oktobarip qiteqqunnerani pissaaq.
- Tasiilami nunaqarfimmut angalasartoqatigiiliortoqarnikuuvoq, Kuummiit aallartiffigalugu maanna aallartereerput. Sapaatip akunneri pingasut qaangiuppata sullissisumik angalasoqassaaq. Sullissisup tikinneraniit sapaatip akunnera qaangiuppat angajoqqaarsialerisuni siunnersorti ilaqutariinnullu aqutissiuussisartoq tikissapput, sapaatillu akunneri marluk tassaniissallutik. Nunaqarfik Sermiligaaq tulliuullugu tikeraarneqassaaq.

Sanarfinermut Avatangiisinnullu Ataatsimiititami siulittaasup tullia Uju Petersen (IA) nalunaarutai:

Pilersaarusioner Oqartussaaffeqarfillu:

- Nunaminertanut oqartussaaffeqarfik NIN pillugu suli sorsuutiginnippoq, suliamillu suliaqartarneq tamatuma tallimariaammik sivilisunerulersittarpaa.
- Pilersaarusionerimut immikkoortortamit Nuummi Illuliortaaseq pillugu pisuttuarneq oktobarip aappaani illuliortaaseq pillugu ulloqartitsinerimi saqqummersissavaa. Taanna naqitaaraavoq Nuummi illoqarfiup qeqqani illuliortaatsimut tunngasunik imaqartoq, taannalu innuttaasunut sullissivimmi Tupilak Travelimilu pissarsiarineqarsinnaassaaq.
- Sanaartugassanut tunngasunik suliaqarneq suli ingerlarsorluarfiuvoq.

Ingerlatsineq, Avatangiisit Attaveqaasersuutillu:

- Kangilinguini saliinissaaq pillugu Arsummi innuttaasunik ataatsimiititsineq
- Munck mittarfimmi asfaltilersuilluni kinguaattooqqavoq, tamannalu kommunimi 2023-mi asfaltiterinissamut kinguaattoortitsivoq.
- Aalisarneq pillugu isumasioqatigiisitsineq septembarip 21-ani 22-anilu Nuummi pissaaq. Tamatuma kingorna Tasiilami Paamiunilu isumasioqatigiisitsisoqassaaq.

Sanaartorneq:

- Oqaaseqaateqartoqanngilaq. Sanaartornerup annertuseruttorfiani ulapaartoqarpoq.

Upalungaarsimaneq:

- Oqaaseqaateqartoqanngilaq. Upalungaarsimanermi immikkoortumut pilersaarutip akuersissutigineqarnera naammagisimaarneqarluarpoq.

Punkt 1: Kommunalbestyrelsimit ilasortaajunnaarnissamik qinnuteqaat

Beslutning

Ilisimatitsissut tusaatissatut tiguneqarpoq.

Bilag

Tunuarnissamik qinnuteqaat 14. septembari 2023-meersoq

Emanuel Nûkomit ilannguteqqinnermut nalunaarut ulloq 29. septembari 2023-meersoq

Tunuarluni ilaasortaajunnaavinneq kiisalu sulinngiffeqareernermi Kommunalbestyrelsimut ilannguteqqinneq

Pele Brobergip (N) tunuarluni ilaasortaajunnaavinnera, kiisalu Emanuel Nûkop (N) sulinngiffeqareerluni ilannguteqqinnera

Ilisimatitsissut

SagsID.: EMN-2023-03947

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Pele Brobergip tunuarluni ilaasortaajunnaavinneranut aalajangerneranik ilisimatitsissut tusaatissatut tiguneqassasoq
- Emanuel Nûkop sulinngiffeqareerluni ilannguteqqinneranut tunngatillugu ilisimatitsissut tusaatissatut tiguneqassasoq

Suliamik saqqummiineq

Kommunalbestyrelsimut ilaasortaq Pele Broberg (N) ulloq 2023-mi septembarip 14-ianni Kommunalbestyrelsimut ilaasortaajunnaavinnissamik tunuarniuteqarluni qinnuteqarpoq, taamaaliorporlu Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersumi § 54 malillugu:

"Ilaasortaq qinigaaffiup iluani kommunalbestyrelsimut tunuarniarluni qinnuteqarpat, qinnuteqaat taamaattoq qanoq kinguneqartinneqassanersoq kommunalbestyrelsip aalajangissavaa. Imm. 2. Qinnuteqaat ilaasortap peqqissusaata qanoq issusianik tunngavilersorneqarpat, sulianik assigisaannilluunniit pingaaruteqartunik pissuteqarpat, pineqartup ilaasortaanissaanut ajornarnerulersitsippat, qinnuteqaat nalinginnaasumik akuerineqassaaq."

Pele Broberg Kommunalbestyrelsimut tunuarluni ilaasortaajunnaavinnissaminik qinnuteqarpoq, Kommuneqarfik Sermersuumiit nuuttussaanini pissutigalugu.

Pisortaqatigiit Allatseqarfiata ulloq 29. septembari 2023 Emanuel Nûkop (N) Kommunalbestyrelsimi oktobarip ulluisa aallaqqaataanni 2023-mit atuutilersumik sulileqqinniirluni allakkatigut qinnuteqaataa tiguua, tassani sulinngiffeqarnera naassammatt. Aqutsinermut inatsimmi § 15, imm. 4 innersuussutigineqarpoq: "Ilaasortap kommunimi pisussaaffini suliareqqissinnaalerpagit sinniisussa qinnuteqaat kommunalbestyrelsimut tunuassaaq."

Pele Brobergip Kommunalbestyrelsimut tunuarnerani Emanuel Nûko Kommunalbestyrelsimi ilaasortanngooqqissaaq.

Emanuel Nûko ukunani ilanngutissaaq:

- Sanarfinermut Avatangiisinullu Ataatsimiititami ilaasortaq
- Meeqqanut Atuarfeqarnermullu Ataatsimiititami Ilaasortaq

Ingerlatsivimmit aningaasatigut sulisoqarnikkullu naliliinerit

Emanuel Nûko 1. oktobari 2023-miit akissarsiaqarnissaminut pisinnaatinneqarpoq.

Suliffeqarfimmut Kiffartuussivimmit aningaasatigut sulisoqarnikkullu naliliinerit

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-meersoq

Ilanngussat

1. Tunuarnissamik qinnuteqaat 14. septembari 2023-meersoq
2. Emanuel Nûkomit ilannguteqqinnermut nalunaarut ulloq 29. septembari 2023-meersoq

Punkt 2: 2023-mut missingersuutit pillugit isummaqatigiissummi anguniakkanut takussutissiaq

Beslutning

Ilisimatitsissut tusaatissatut tiguneqarpoq.

Bilag

2023-mut missingersuutit pillugit isumaqatigiissummi anguniakkat

2023-mut missingersuutit pillugit isumaqatigiissut



2023-mut missingersuutit pillugit isumaqatigiissummi anguniakkanut takussutissiaq

Ilisimatitsissut

SagsID: EMN-2023-00238

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Pisortaqtigiit Allatseqarfiat missingersuutit pillugit isumaqatigiissummi anguniakkanut takussutissamik suliaqarput, allaffissornikkut akisussaaffik tassaniimmat kiisalu taakku killiffiinut tunngasut. Aningaasaqarnermut Inuussutissarsiornermullu Ataatsimiititaq kiisalu Kommunalbestyrelse missingersuutit pillugit isumaqatigiissummi anguniakkanut killiffimmik qaammatit pingasukkaarlugit ilisimatinneqartassapput.

Matumani takussutissami 2023-mut missingersuutit pillugit isumaqatigiisut tunngavigineqarpoq.

Takussutissaq erseqqarinnerusoq anguniakkallu ataasiakkaat allaaserineqarnerat Ilanngussaq 1-imi takuneqarsinnaapput.

Ingerlatsivimmit aningaasatigut sulisoqarnikkullu naliliinerit

Aningaasartuutaasussatuaq tassa sulisut atorfeqareersut suliamut ingerlatsinerannik piffissaq atorneqartoq.

Suliffeqarfimmut Kiffartuussivimmit aningaasatigut sulisoqarnikkullu naliliinerit

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- 2023-mut missingersuutit pillugit isumaqatigiisut

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 26.09.23:

Ilisimatitsissut tusaatissatut tiguneqarpoq.

Ilanngussat

1. 2023-mut missingersuutit pillugit isumaqatigiissummi anguniakkat
2. 2023-mut missingersuutit pillugit isumaqatigiisut

Punkt 3: Paamiuni tinutittarfiup suliarineqarnerata naammassineqarnissaa

Beslutning

Ilisimatitsissut tusaatissatut tiguneqarpoq.



Paamiuni tinutittarfiup suliarineqarnerata naammassineqarnissaa

Ilisimatitsissut

SagsID.: EMN-2023-03410

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiineq

Kommunalbestyrelsimi ilaasortaq Dorthe-Marie Mogensen-Fontain (S) ulloq aggustip 15-ianni 2023-mi Kommunalbestyrelsimut aalajangiiffigisassanngorlugu Paamiuni tinutittarfiup suliarineqarnerata naammassineqarnissaa pillugu siunnersuummik nassiussivoq. Dorthe-Marie Mogensen-Fontainip siunnersuutigaa, suliaq pilersaarusiornikkut aningaasaliisoqarneratigullu naammassiniarneqassasoq. Kommunalbestyrelsimi amerlanerussuteqartut ulloq aggustip 29-anni ataatsimiinnermi aalajangerput, suliaq Sanarfinermut Avatangiisinullu Ataatsimiititami misissorneqassasoq, tamatumalu kingorna Kommunalbestyrelsip oktobarimi ataatsimiinnerani saqqummiunneqarluni.

Ingerlatsivimmi isumaqartoqarpoq, suliaq taamanikkut pilersaarutaasutut ingerlanneqarsimasoq. Entreprenøri naapertorlugu siusinnerusukkut qaartiterinnermi qaartiterutip annertussusissaatut isumaqatigiissutaasoq naapertorlugu qaartiterineq pilersaarutaasutut ingerlasimasoq. Umiatsianut minnernut tinutittarfioreersutut sinaakkusersorneqaranilu qisunnik iigalersorneqanngilaq. Taamanikkut aalisartut ingerlatsivimmiullu akornanni isumaqatigiinngissutaasimagunarami tinutittarfik umiatsianit qanoq angitigisunit atugassaassanersoq. Tamanna tunngavigineqarsinnaavoq suliaq naammassineqarsimanngitsutut aalisartunit paasineqarneranut.

Qaartitreqqittoqarnissaanik kiisalu tinutittarfiup angallatinut anginernut 42 fodi tikillugu angissusilinnut atorneqarsinnaanngorlugu allineqarnissaanik kissaatigineqartup malinneqarnissaa ajornassanngikkaluarpoq. Tinittarnera ulittarneralu pissutaallutik suliaq suliarisarnissaanut entreprenørip ullormut akunneq ataasiinnaq atortarsinnaavaa nalilerlugulu 250.000 - 300.000 koruunit missaani akeqassasoq. Aki taanna qaartiterinissaannartaanut tunngavoq. Sinaakkutissanut iigalernissaanullu qisuttassanut aningaasartuuteqaqqissinnaaneq ilanngunneqanngilaq. Kissaatigineqarpat akinik allanik ujartuisoqarsinnaavoq. Sinaakkutissartaanut qisunnillu iigaliinissamat tunngasortai missingersuutitigut matussutissaqassanersut qulakkeerneqanngikkaluartoq ukioq manna suliarineqarsinnaassaaq imaluunniit ukiumut missingersuusiorfiusumut kingusinnerusumut utaqqisinneqarsinnaalluni.

Ingerlatsivimmit aningaasatigut sulisoqarnikkullu naliliinerit

Ingerlatsivimmi nalilerneqarpoq, tinutittarfimmik allamik pilersitsinissamat 1 meterimik qaartiterinissaq 250.000 - 300.000 koruunit akornanni akeqarsinnaasoq. Kommunalbestyrelsimut tamanna kissaatigineqarpat immikkut aningaasaliissutissat piniarnermut aalisarnermullu aningaasaliissutinit pissarsiariniarneqarsinnaapput. Itinerulersinneqarnissaanut aningaasatigut matussusiinissamat maannakkut atorneqarsinnaasuniit matussutissaqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Aalisarneq pillugu inatsisartut inatsisaat nr. 18, 31. oktober 1996-imeersoq

Siusinnerusukkut aalajangiinerit

Sanarfinermut Avatangiisinullu Ataatsimiititaq, 18.09.23:

Ilisimatitsissut akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 26.09.23:

Ilisimatitsissut tusaatissatut tiguneqarpoq.

Ilangussat

Soqanngilaq.

Punkt 4: Kommunimut pilersaarummut tapiliussassatut siunnersuut 3A3-9 Kangillinnguit, Nuuk pillugu tamanut tusarniaaneq

Beslutning

Ilisimatitsissut tusaatissatut tiguneqarpoq.

Bilag

Kommunimut pilersaarummut tapiliussatut siunnersuut 3A3-9 Kangillinnguit, Nuuk

Kommunimut pilersaarummut tapiliussassatut siunnersuut 3A3-9 Kangillinnguit, Nuuk pillugu tamanut tusarniaaneq

Ilisimatitsissut

SagsID.: EMN-2023-01447

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3A3-9 Kangillinnguit, Nuuk, matumuuna saqqummiunneqarpoq.

Immikkoortup ilaa 3A3 Nuup avannamut kitaaniippoq, Kangillinnguit ilaaniippoq, tamaanilu illoqarfimmi atuuffinnik arlalinnik neqerooruteqarpoq pinngortitamut illoqarfimmullu qanittuulluni, ineqarfissatullu assut pilerigineqartuulluni.

Kommunimut pilersaarummut tapiliussaq una suliarineqarpoq, immikkoortumi ullutsinnut naleqquttunik aalajangersagaliornissaq siunertaralugu, taamaalilluni ineqarfissatut pilerinartuunera attanneqarniassamat. Pilersaarutit tunngavigisatut atuuttoq tallimanik assigiinngitsunik kommunimut pilersaarummik tapiliussamik imaqarpoq, amerlanerillu atuutilersinneqarneranniit nutarternikuunngillat piffissamullu maanna naleqqukkunnaarlutik. Immikkoortumi aalajangersakkat kommunimut pilersaarummut tapiliussamat ataatsimut katersorneritigut nutarterneritigullu, sanaartukkanut pioreersunut pilersaarummut tunngavigisap annertussusaa ersarissarneqassaaq.

Kommunimut pilersaarummut tapiliussap imarai immikkoortumi pitsaassutsinut nassuiaat kiisalu inissiat qanoq allilersinnaanerannut aalajangersakkat siunissamullu qularnaarineq, saniatigullu illut ilusaat immikkoortup ilaaniittut ilisarnaataat immikkuullarissusaallu eqqarsaatigineqarlutik

Matumani kommunimut pilersaarummut tapiliussami inissiat pioreersut allilernerqarnissaannut, aneersuartarfiit pioreersut allilernissaannut, kiisalu naatsiiviliornissamat aamma nerisassiornermullu atugassamik naatsiiviliornissamat periarfissiisoqarpoq. Tamatuma saniatigut Ippiarsuk puiguttortunut immikkoortortamik ilallugu allilernerqarnissaanut pilersaaruteqartoqarpoq. Pilersaarummut tunngaviumi utoqqaat illuanik alliliinissamat sanaartorfissamik marlunnik atugassiisoqarpoq, taamaalilluni immikkoortumi killeqarfik allilernerqassaaq.

Ingerlariaqqinnissaq

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Kommunimut pilersaarummut tapiliussamat 3A3-9 Kangillinnguit, Nuummumut siunnersuutip uuma akuersissutigineqarneratigut immikkoortumut 3A3-mut kommunimut pilersaarummut tapiliussat atuuttut tamarmik atorunnaassapput:

Illoqarfimmut pilersaarut 3.00: Kangillinnguit Timaat, Illoqarfimmut pilersaarut 3.02: Paarnani inissiat 175-it, Illoqarfimmut pilersaarut 4.05: Avaalaqiaq, Illoqarfimmut pilersaarut 3A3.7 Attartup Timaa & Kommunimut pilersaarummut tapiliussaq 3A3-8 Ammassat.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisaaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siuserusukkut aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Aningaasaqarnermut Inuussutissarsionermullu Ataatsimiititaq, 26.09.23:

Sanarfinermut Avatangiisinullu Ataatsimiititap Aningaasaqarnermut Inuussutissarsionermullu

Ataatsimiititamut inassuteqaatigaa:

- ingerlatsivimmit kommunimut pilersaarummut tapiliussatut siunnersuut 3A3-9 Kangillinguit sapaatip-akunnerini arfineq-pingasuni tusarniaassutigineqarnissaa akuersissutigineqassasq
- suliaq ilisimatitsissutitut Kommunalbestyrelsimut ingerlateqqinneqassasq

Inassuteqaat akuersissutigineqarpoq.

Ilangussat

1. Kommunimut pilersaarummut tapiliussatut siunnersuut 3A3-9 Kangillinguit, Nuuk

Punkt 5: Kommunimut pilersaarummut tapiliussassatut siunnersuut 1A18-3 C. E. Janssensvejimi inissiaqarfik, Nuuk, pillugu tamanut tusarniaaneq

Beslutning

Ilisimatitsissut tusaatissatut tiguneqarpoq.

Bilag

Kommunimut pilersaarummut tapiliussassatut siunnersuut, 1A18-3 C E Janssensvejimi inissiaqarfik



Kommunimut pilersaarummut tapiliussassatut siunnersuut 1A18-3 C. E. Janssensvejimi inissiaqarfik, Nuuk, pillugu tamanut tusarniaaneq

Ilisimatitsissut

SagsID.: EMN-2023-02688

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommunimut pilersaarummut tapiliussassatut siunnersuut 1A18-3 C E Janssensvejimi inissiaqarfik, Nuuk, Sanarfinermut Avatangiisinullu Ingerlatsivimmit matumuuna saqqummiunneqarpoq.

Pilersaaruteqarfik 1A18 2,6 hektarit missaani annertutigaaq, Nuummi illoqarfiup qiterpasissuani Myggedalenip/Qaqortup aamma Qernertunnguit akornanni inissisimasoq. Kommunimut pilersaarummut tapiliussami immikkoortup nunataa killeqarfilersorneqarnera aamma pingaarnertut atuuffia inissianut siunertanut kiisalu immikkuualuttut marluk allanngortinneqanngillat. Kujataatungaa immikkuualuttoq A pioreersunik inissiartalik. Avannaatungaani immikkuualuttoq B-mi imminut attanneqarsinnaasunik misiligutinik inissialiortoqarsinnaavoq.

Misileraalluni sanaartorneq ima paasineqassaaq:

- Nutaanik imaluunniit allaanerusunik sanaartoriaaseqarneq, sanaartukkanik ilusileeriaaseqarneq aamma ingerlatsinermi asarfallatsaaliinermilu periuseqarneq, tassunga ilanngullugit kaajallaasitanik aamma najugaqariaatsinut nutaanut aaqqiissutissat
- Misileraalluni sanaartorneq avatangiisinut, inuuniarnikkut aamma/imaluunniit aningaasaqarnermut tunngasunik ilisimasatigut iluaqutaassaaq
- Tamatuminnga ilisimasaqalerneq takussutissarsineqarsinnaassaaq suliffeqarfimmiillu attuumassuteqanngitsumiit uuttortarneqarsinnaassalluni
- Misileraalluni sanaartorneq atoqqinneqarsinnaasuussaaq Kalaallit Nunaannullu tulluarsarlugu siammarneqarsinnaasuussalluni
- Inerpera tamanut takuneqarsinnaasuussaaq, inuiaqatigiinnut iluaqutigineqarsinnaaqqullugu

Qaqortumi nutaamik sanaartornermi pingaartumik eriagisariallit sanaartukkallu pioreersut eqqumaffigineqassapput. Taamaattumik isikkuisa ilaannut naleqqussagaassalluni.

Siunnersuut sapaatip akunneri arfiniliusuni tamanut tusarniaassutigineqassaaq.

Matumani Kommunimut pilersaarummut tapiliussassatut siunnersuutip 1A18-3 akuersissutigineqarneratigut kommunimut pilersaarummut tapiliussaq 1A18-2 atorunnaarsinneqassaaq

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.



Suliffeqarfimmut Kiffartuussivimmit aningaasatigut naliliineq Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaaruserneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 26.09.23:

Sanarfinermut Avatangiisinullu Ataatsimiititaq Aningaasaqarnermut Inuussutissarsiornermullu Ataatsimiititamut inassuteqaatigaa:

- ingerlatsivimmit siunnersuut kommunimut pilersaarummut tapiliussassatut 1A18-3 C E Janssensvejimi inissiaqarfik, Nuuk, pillugu sapaatip-akunnerini arfinilinni tamanut tusarniaassutigineqarnissaa akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

Ilanngussat

1. Kommunitumut pilersaarummut tapiliussassatut siunnersuut, 1A18-3 C E Janssensvejimi inissiaqarfik

Punkt 6: Kommunimut pilersaarummut tapiliusseq 3C9-1, Inuussutissarsiteqarfik mittarfiup qanittuaniittoq, Nuuk, pillugu tamanut tusarniaaneq

Beslutning

Ilisimatitsissut tusaatissatut tiguneqarpoq.

Bilag

Kommunimut pilersaarummut tapiliussassatut siunnersuut 3C9-1, inuussutissarsiteqarfik mittarfiup qanittuaniittoq

Kommunimut pilersaarummut tapiliusseq 3C9-1, Inuussutissarsiuqarfik mittarfiup qanittuaniittoq, Nuuk, pillugu tamanut tusarniaaneq

Ilisimatitsissut

SagsID.: EMN-2023-02420

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsionermullu Ataatsimiitap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3C9-1 Inuussutissarsiuqarfik mittarfiup qanittuaniittoq, Nuuk, matumuuna saqqummiunneqarpoq.

Mittarfissuartaassamut atatillugu pilersaarummut tapiliusseq una immikkoortup ilaa nutaaq 3C9 pilersinneqarpoq. Immikkoortup ilaa qaqqap Quassussuup (Lille Malene) paavaniippoq. Immikkoortoq avannamut killeqartinneqarpoq ukunannga 3E5 mittarfiup eqqaaniittumit aamma 4D2 Sisorartarfiup eqqaaniittumit, kujataatungaani Borgmester Anniitap Aqquserna, kangiatungaani qaqqap 4D11 qaqqap qaavata qingartaraani, taavalu kitaatungaani 3E5-mut mittarfiup eqqaanut.

Kommunimut pilersaarummut tapiliusseq suliarineqarpoq Nuummi mittarfiup qanittuaniittoq immikkoortup ineriartortinneqarnissaa qulakkeerniarlugu. Kommunimut pilersaarummut tapiliussamut ilanngullugu immikkoortup ilaa 3C9 atugassiissutigineqarpoq inuussutissarsiuqarfimmut mittarfeqarfimmut attuumassuteqartunut qitiusoqarfittut siunertanut atorsinnaasoq, tamakkununnga ilanngullugit: allaffiit, lagerit aammalu quersuit, angallassissutit attaveqaasersuutilu, ilioraaffiit, amerlasuunik pisiniarfiit, biilnik cykkilinillu atukkiussisarfiit, taxanut bussinillu inaaliisarfiit, nerisassanik pajuttuisarfiit, takornarialerisut/angalatitsiviit, akunnittarfiit, neriniartarfiit, café, ataatsimeersuartarfiit assigisaallu.

Kommunimut pilersaarummut tapiliussami matumani sanaartorfissat atugassiissutigineqarput immikkut atuuffeqartussat tamakkununnga ilanngullugit: mittarfiup eqqaani biilit uninngasarfiinut, mittarfimmik suliarinnittussamik piginnittup allaffeqarfissaanut aammalu mittarfiup akunnittarfissaanut. Tamatuma saniatigut periarfissaassaaq Illerngit 2001-ip aamma mittarfiup biilinuut uninngasarfiata mittarfiullu illutaata akornanni pisummik ikaarfissamik sanasoqarnissaa.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Kommunimut pilersaarummut tapiliussatut siunnersuutip matuma 3C9-1 Inuussutissarsiuqarfik mittarfiup qanittuaniittoq akuersissutigineratigut taarserneqassaaq kommunimut pilersaarummut tapiliussami 3E5-5-imi aalajangersakkat 3C9-1-imi immikkoortup ilaani killilersuutinuut tunngasortaanut ilanngunneqartut.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilernerqarpoq.

Suliffeqarfimmut Kiffartuussivimmit aningaasatigut naliliineq Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 26.09.23:

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunitumut pilersaarummut tapiliusseq 3C9-1, Inuussutissarsiuqarfik mittarfiup qanittuaniittoq, Nuuk, sapaatit akunnerini arfineq-pingasuni tamanut tusarniaassutigineqarnissaa akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Ilanngussat

1. Kommunitumut pilersaarummut tapiliussassatut siunnersuut 3C9-1, inuussutissarsiuqarfik mittarfiup qanittuaniittoq

Punkt 7: Angalanermit nalunaarusiap malinnaaffigineqarnera

Beslutning

Ilisimatitsissut tusaatissatut tiguneqarpoq.

Bilag

Aningaasaqarnermut Inuusutissarsiornermullu Ataatsimiititap aamma Sanarfinermut Avatangiisinullu Ataatsimiititap 2023-mi Nuummi nunaqarfinilu angalanerannit angalanermit nalunaarusiaq



Angalanermit nalunaarusiap malinnaaffigineqarnera

Ataatsimiititaq angalavoq ulluni 15. - 17. maaji 2023

Ilisimatitsissut

SagsID.: EMN-2023-03232

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsiornermullu Ataatsimiitap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiineq

Aningaasaqarnermut Inuussutissarsiornermullu Ataatsimiititaq aamma Sanarfinermut Avatangiisinullu Ataatsimiititaq ulluni 15. - 17. maaji 2023-mi ataatsimoorlutik Nuummi, Kapisilinni aamma Qeqertarsuatsiaani angalapput. Matumani Ingerlatsiviup nalunaarusiamut malinnaatitsineq suliaraa pilersaarutit assigiinngitsut qanoq ingerlaneriniq nassuiaateqarumalluni. Allattorsimaffimmi pilersaarutit amerlanersaat aallartinneqanngikkunik ineriartortinneqarput, allallu politikeriniit sanaartugassatut kissaatitut siuartinneqarsinnaapput. Taakkua saniatigut assigiinngitsunik pilersaaruteqarpoq assigiinngitsut pissutigalugit piviusunngortinneqarsinnaanngitsunik.

Pilersaarutit tamarmik qanoq ineriartortinneqassasut nalunaarsorsimapput, angalanermit nalunaarusiami angalareernerup kingorna quppernerit normulersorneqarput kiisalu immikkoortoqarfik sorleq pilersaarummik malinnaatitsissanersoq allassimasarluni. Pilersaarutit ingerlatsiviit allat akisussaaffiisa ataanniittut malinnaaffigineqanngillat.

Pilersaarummut allattorsimaffik (nunaqarfik)	Ineriartortitsinnissamut kissaat	Qupperneq	Immikkoortorta qarfik	Malinnaatitsineq
Kapisillit				
Paasiniaasarfik	Pilersinneqarnera	4	Aningaasaqarnermut Inuussutissarsiornermullu Ataatsimiititaq	Sanarfinermut Avatangiisinullu ingerlatsivimmit malinnaasoqanngilaq
Pinnguartarfik	Nutarterineq		Sanarfinermut Avatangiisinullu Ingerlatsivik	Peerneqarpoq. Nutaamik nassiussisoqarnissa a utaqqineqarpoq.
Kuuffissualersuineq atuarfik	Pilersinneqarnera	4	Sanarfinermut Avatangiisinullu Ingerlatsivik	Sanaartugassatuut kissaatigineqarsinnaavoq.
Oqaluffiup silataani majuartarfiit	Nutarterineq	4	Ingerlatsineq aalisarnerlu	Pisortatigoortuunngit sumik neqerooruteqartoqarpoq, tamannali entreprenørimit itigartinneqarluni. Misissuineq ingerlavoq.



Ulloq unnuarlu paaqqinnittarfik	Meeqqat paarineqarnissa annut ilinniarsimasunik sulisoqarneq	5	Meeqqanut Atuarfeqarnermu llu Ataatsimiititaq	Sanarfinermut Avatangiisinullu ingerlatsivimmit malinnaasoqanngilaq
Sannavimmut qaqsariaq	Nutarterineq	5	Sanaartukkanut immikkoortoqarfik	Qaqisarissap iluarsaaneqarnissa annut pilersaarutit aallartipput.
Nuussuarmut aqqut	Pilersinneqarnera	5	Sanarfinermut Avatangiisinullu Ingerlatsivik	Massakkut aningaasaliissutigine qartut kangerluup qinnguani illuaralioffissatut pilersaarusiortifigineq artumut tamanillu aqqutigineqartussamut aqqusinniornissamut tapiissutitut agguanneqarput. Aningaasat nunalerinermut tapiissutitut atorineqarsinnaapput savaatiliullu ujaraaqqanik aqqusinniornissaq isumagalugu, soorlu Kommune Kujallermit ilisimaneqartutut. Sulisussaaleqineq pissutigalugu suliaq ingerlatsivimmit ingerlateqqinneqanngilaq.
Inissaaleqineq	Inissiat nutaat suliffimmut attuumassuteqanngitsut	6	Pilersaarusiortineq oqartussaaffeqarfillu	Sanaartugassatuut kissatigineqarsinnaavoq.
Iseritsip inissiaatai	Nutarterineq	6	Pilersaarusiortineq oqartussaaffeqarfillu	Iseritsip akisussaaffia, sanaartornissamilli kissateqartoqarsinnaavoq.
Pitsanngorsaaneq/puttasoaq nutaaq	Pilersinneqarnera	7	Ingerlatsineq aalisarnerlu	Illup sullissiviup pilersaarutigineqarnera paasiniaqqaarneqasaaq.



Aqquserngit sinerlugit kuserngit	Pilersinneqarnera	7	Ingerlatsineq aalisarnerlu	Sanaartugassatuut kissaatigineqarsinna avoq.
Eqqagassalerineq	Eqqaavissuup nuunneqarnissa	7	Ingerlatsineq aalisarnerlu	Pisariaqartinneqarnera paasinarpoq, tamannali pillugu ingerlatsivik massakkut pilersaaruteqanngilaq.
Perusersartarfimmut tunngasut, kuutsittakkat	Pilersinneqarnera	7	Sanarfinermut Avatangiisinullu Ingerlatsivik	Sanaartugassatut kissaatigineqarsinna avoq, tassanili Nukissiorfiit imermik kuinnartumik tunniussisinnaanera pisariaqarpoq.
Perusersartarfiit tamanut ammasut	Pilersinneqarnera	7	Sanarfinermut Avatangiisinullu Ingerlatsivik	Sanaartugassatut kissateqarnikkut illu sullissivimmi pilersinneqarsinnaavoq.
Tamanit eqqaavigineqarsinnaasut	Pilersinneqarnera	7	Ingerlatsineq aalisarnerlu	Nunaqarfimmi eqqaaveqareerpoq tamanit atorneqarsinnaasunik. Siunissamut pilersaarutitut nalilersuineq 2024-mut kissaatit allattorsimaffiannut ilanngunneqarsinnaavoq.
Illup sullissiviup atortui	Imermut kissartumut imiisivik anginerusoq	7	Sanaartukkanut immikkoortoqarfik	Pisariaqartitsineq paasinarpoq, ingerlatsivimmilli taarserneqarnissaa massakkut pilersaarutigineqanngilaq.
Qeqertarsuatsiaat.				
Sannavimmut wire aamma krani	Nutaaq/iluarsaasineq	9	Ingerlatsineq aalisarnerlu	Massakkut iluarsaanneqareerpoq. Krani nutaaq pillugu massakkut misissuisoqarpoq.
Piniartut illuaraat	Misissuineq: Atuisartut akiliuteqartarnerannut taarsiullugu	9	Ingerlatsineq aalisarnerlu	Akit akit allattorsimaffianniittut politikerinit aalajangersarneqartarput.



	kvardratmeterim ut aki			
Pinnguarterfik	Iluarsaassinerit: Taseqqamik imaarutsitsineq	9	Ingerlatsineq aalisarnerlu	Pitsanngorsaaniissa mut pilersaarutit. Sioqqanik/ujaraaqqanik 2024-mi aningaasaliineq.
Qatserisartoqarfik, immikkut imermik pilersuineq	Pilersinneqarnera	9	Upalungaarsimasut	Immikkut imermik pilersuineq massakkuugallartooq pilersaarutaanngilaq , upalungaarsimasun ullu immikkoortumut pilersaarummi tamanna illoqarfimmi immikkut sillimaffigineqarpoq.
Qatserisartoqarfiup kalerrisaarinermut siggartaatai	Nutaanik kalerrisaarinermut siggartaatinik ikkussuineq	9	Upalungaarsimasut	Immikkut kalerrisaarinermut siggartaatit pilersaarutaanngikka llarput, upalungaarsimaner mulli immikkoortumut pilersaarummi tamanna illoqarfimmi sillimaffigineqarpoq.
Qatserisartoqarfiup sungiusartarfia/eqqagas salerinermut aaqqiissut	Misissuineq	9	Upalungaarsimasut	Immikkut qatserinermut sungiusartarfik massakkuugallartooq pilersaarutaanngilaq , tamannali upalungaarsimasut pillugit immikkoortumut pilersaarummi illoqarfimmi sillimaffigineqarpoq.
Eqqaavissuaq	Eqqaavissuup imaarnissaa	10	Ingerlatsineq aalisarnerlu	Torersaaneq 2023- mi aggustimi pivooq.
Sunngiffimmi ornittagaq	Nutarnerineq, ingerlatsinermut aningaasat	10	Meeqqanut Atuarfeqarnermu llu Ataatsimiititaq	Nutarsaaneq 2024- mi nutartigassatut kissaatit pilersaarusiorneqarn erinut kissaatigineqarsinna avoq.



Meeqquerivik	Nutarterineq, sulisunik amigaateqarneq	10	Meeqqanut Atuarfeqarnermu Ilu Ataatsimiititaq	Nutarsaaneq 2024-mi nutartigassatut kissaatit pilersaarusiorneqarn erinut kissaatigineqarsinna avoq.
Tanki imikumik katersuivik	Nutarterineq	10	Sanaartukkanut immikkoortoqarfik	Imikumik katersuivik taarsersorneqarluni aallartinneqarpoq. Naammassillugu suliarineqassaaq aamma kabelit qerinnaveequitillit ikkussorneqassapput.
Inissiat	Iseritsip suleriusii nunaqarfinnut naleqqussarneq assapput	10	Pilersaarusiorneq oqartussaaffeqarfillu	Iseritsip akisussaaffia, sanaartornissamilli kissaateqartoqarsinna avoq.
Kuuffissualersuineq, aquittarfiit kuutsittakkat	Pilersinneqarnera	12	Sanaartornermut Immikkoortortaqarfik	Sanaartugassatut kissaatigineqarsinna avoq, tassanili Nukissiorfiit imermik kuinnartumik tunniussisinnaanera pisariaqarpoq.
Eqqagalerineq (ingerlatsisinnaanermut allagartamik nalornissuteqarneq)	Sulisunik piukkunnarsaneq	12	Ingerlatsineq aalisarnerlu	Ajornartorsiut Ingerlatsivimmit ilisimaneqarpoq sulisullu ingerlaavartumik pikkorissarniarneqartarput.
Atuarfimmi oquk	Nutarterineq	12	Sanaartornermut Immikkoortortaqarfik	Tulliani R&T rengøring nunaqarfimmukarpat atuarfiup oqoqarnera misissorneqassaaq.

Ingerlatsivimmit aningaasatigut sulisoqarnikkullu naliliineq

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Ataatsimiititap suleriaasia

**Siusinnerusukkut aalajangiinerit**

Sanarfinermut Avatangiisinullu Ataatsimiititaq, 18.09.23:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 26.09.23:

Ilisimatitsissut tusaatissatut tiguneqarpoq.

Ilanngussat

1. Aningaasaqarnermut Inuussutissarsiornermullu Ataatsimiititap aamma Sanarfinermut Avatangiisinullu Ataatsimiititap 2023-mi Nuummi nunaqarfinnilu angalanerannit angalanermit nalunaarusiaq

Punkt 8: Missingersuutitik malitseqartitsineq – TB2

Beslutning

Inassuteqaat akuersissutigineqarpoq.

Bilag

Takussutissiaq tamarmiusoq

Ilassutitut aningaasaliissutit nuussinissallu_tamarmiusut

Suliffeqarfimmut Kiffartuussivimmit qinnuteqaat

Meeqqanut Atuarfeqarnermullu Ingerlatsivimmit qinnuteqaat

Meeqqanut Ilaqutariinnullu Ingerlatsivimmit qinnuteqaat

Sanarfinermut Avatangiisinullu Ingerlatsivimmit qinnuteqaat

Suliffeqarnermut Isumaginninnermullu Ingerlatsivimmit qinnuteqaat



Missingersuutiniq malitseqartitsineq – TB2

Aalajangiiffigisassaq

SagsID.: EMN-2023-03371

Suliffeqarfimmum Kiffartuussivik – Kommunaldirektøri Ole Jakobsen / OJAK

Suliffeqarfimmum Kiffartuussivik - Vicekommunaldirektøri Marie Fleischer / MAFL

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Meeqqanut Ilaqutariinnullu Ingerlatsivik – pisortaagallartuq Severing Berg / SEBE

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SSKP

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilassutitut aningaasaliissutit katillugit -80.195.000 koruunit akuersissutigineqassasut
- nuussinissat akuersissutigineqassasut

Suliamik saqqummiineq

2023-mi ukiup affaani siullermi naatsorsuutit misissornerinut atatillugu Kommuneqarfik Sermersuumi Ingerlatsivinnit siunertat assigiinngitsut nalilersorneqarput, matumani ingerlatsivinni ataasiakkaani missingersuutaasussani aaqqiissutissanik pisariaqartitsisoqarnersoq paasiniallugu. Taamaattumik ingerlatsiviit ataasiakkaanik aningaasaliissuteqarnerunissaq pillugu kisianni aamma aningaasaliissutiniq atunngitsuukkanik kommunip karsianut utertitsinissaq pillugu qinnuteqarput. Ingerlatsivinnut ilassutitut aningaasaliissutit katillugit -80 mio. koruunit missaanniittut karsimiittuutitut utertinneqassapput. Aningaasat imatut agguataagaapput:

Isertitat -47,5 mio kr.

Suliffeqarfimmum Kiffartuussivik -1,4 mio kr.

Suliffeqarnermut Isumaginninnermullu Ingerlatsivik -11,7 mio kr.

Meeqqanut Ilaqutariinnullu Ingerlatsivik 20,0 mio kr.

Meeqqanut Atuarfeqarnermullu Ingerlatsivik -3,0 mio kr.

Sanarfinermut Avatangiisinullu Ingerlatsivik -36,5 mio kr.

Katillugit -80,1 mio. kr.

Aningaasaliinissamik pisariaqartitsinerumut pingaarnertut pissutaasut

Isertitat: Akileraartarnermut Aqutsisoqarfiup ukiormanna 2023-mut akileraarutitut A-nut isertitassat piviusorsioortut amerlanerussasut naatsorsuutigaa, Kommuneqarfik Sermersuumut akileraarutitut isertitat 47.500.000 koruuninik annertusinissaat taamaalilluni siunnersuutigineqarpoq.

Suliffeqarfimmum Kiffartuussivik: Aningaasaliissuteqarnerunissat ataasiakkaat pillugit aningaasartuutit naatsorsuutaasimanngitsunit ataasiakkaaneernissaannik qinnuteqartoqarpoq. Taamaattoq missingersuutit annertunaarsimaneri pissutigalugu -2 mio. koruunit karsimut utertinneqarput. Tamanna taamaallaat ukioq mannamut atuuppoq.

Suliffeqarnermut Isumaginninnermullu Ingerlatsivik: Ingerlatsiviup ukioq manna -11,7 mio koruunit karsimut utertippai. Ukiormanna aningaasaliissutiniq annikillinnermut tunngavilersuutigineqartoq tassaavoq isumaginninnermut suliaasaqarfimmi atorfiit inuttassarsiuunneqartut inuttassarsisimangimmata.



Meeqqanut Ilaqutariinnullu Ingerlatsivik: Aningaasaliissuteqarnerunissamut pisariaqartitsinermi meeqqanik inissiisarnernut aningaasartuutaasartut 20,0 mio. koruuninik amerleriaateqarsimanerat pissutaavoq. Ukiuni kingullerni marlunni Meeqqanut Ilaqutariinnullu suliassaqaqfimmi aningaasaliissuteqarnerunissamut pisariaqartitsineq 65 mio. koruunit missaannut qaffassimavoq, tamannalu kommunip aningaasaqarneranut unammillernarpoq.

Meeqqanut Atuarfeqarnermullu Ingerlatsivik: Ingerlatsiviup ukiormanna -3 mio. koruunit karsimut utertippai. Ukiormanna aningaasaliissutinik annikillinermit tunngavilersuutigineqartoq tassaavoq isumaginninnermut suliassaqaqfimmi atorfiit inuttassarsiuunneqartut inuttassarsisimangimmata

Sanarfinermut Avatangiisinullu Ingerlatsivik: Ingerlatsiviup -36,5 mio. koruuninik isertitaqarnissaq naatsorsuutigaa. Isertitat Namminersorlutik Oqartussat blok 1-p isaterneranut akilleeqataassutissaanit, illuutinik tunisinermit, sullissinissamut isumaqatigiissummit aamma ESANI A/S-imit utertitsissutinik pissarsiassanit aalajangerneqassaaq.

Aningaasat tigorianaanaat: Ukiup naaneranut kommunimi aningaasat tigorianaanaat, missingersuutaareersimasunut 103 mio. koruuninut sanilliullugit, -92,3 mio. koruuniunissaat maanna naatsorsuutigineqarpoq.

Ingerlatsivimmit aningaasatigut sulisoqarnikkullu naliliinerit

Naatsorsuutinik misissuinerup takutippaa, aaqqiissutit akuerineqanngippata ukiuni tulliuuttuni missingersuutit maanna kommunip aningaasaqarnikkut inissisimaneranut naapertuukkunnaassasut.

Illassutissatut aningaasaliissutissatut kissaatigineqartut akuerineqassappata kommunip missingersuutaannut ima sunniuteqassapput; kommunip karsimiittuutai maannakkut 35 mio. koruunit missaannik annertussuseqarput. Qinnuteqaatit akuerineqassappata katillugit qinnutigineqartut -80.195.000 koruunit karsimut ikineqassapput. Taamaalilluni kommunimi karsimiittuutit tamarmiusut, ilassutitut aningaasaliissutit kingorna, 2023-mi katillugit -92,3 koruuniussapput.

Suliffeqaqfimmut Kiffartuussivimmit aningaasatigut naliliineq

Suliffeqaqfimmut Kiffartuussivimmit allanguutit, ilassutissatut aningaasaliissutit aamma nuussinerit, inassuteqaatigineqarput, ingerlatsivimmut missingersuutit pisariaqartinneqartut eqqornerusumik isikkoqalissammata.

Inatsisitigut tunngavissaq allakkallu tunngaviusumik uppernarsaatillit

- Kommunit missingersuusiortarnerat, aningaasanik tigorianaanaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allangortinneqarnissaa pillugu Inatsisartut inatsisaat nr. 13, 1. december 2021-meersoq (Missingersuutit inissisimanerannik naatsorsueriaatsimik allanguineq, nammineq aningaasaatinik naleqqussaanissamut ataasiaannartumik akuersissut aamma pisortat ataatsimoorlutik qarasaasiaat pillugit malittarisassaannik erseqqissaaneq)



Siusinnerusukkut aalajangiinerit

Aningaasaqarnermut Inuusutissarsiornermullu Ataatsimiititaq, 26.09.23:

Inassuteqaat akuersissutigineqarpoq.

Ilanngussat

1. Takussutissiaq tamarmiusoq
2. Ilassutitut aningaasaliissutit nuussinissallu_tamarmiusut
3. Suliffeqarfimmut Kiffartuussivimmit qinnuteqaat
4. Meeqqanut Atuarfeqarnermullu Ingerlatsivimmit qinnuteqaat
5. Meeqqanut Ilaqutariinnullu Ingerlatsivimmit qinnuteqaat
6. Sanarfinermut Avatangiisinullu Ingerlatsivimmit qinnuteqaat
7. Suliffeqarnermut Isumaginninnermullu Ingerlatsivimmit qinnuteqaat

Punkt 9: Nuup Bussii A/S - Aningaasaqarnikkut inissisimaneq

Beslutning

Inassuteqaat akuersissutigineqarpoq.

Nuup Bussii A/S - Aningaasaqarnikkut inissisimaneq

Aalajangiiffigisassaq

SagsID.: EMN-2023-01889

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Aningaasaqarnermut Inuusutissarsiornermullu Ataatsimiitap Kommunalbestyrelsimut inassuteqaatigaa:

- Nuup Bussiisa coronamut atatillugu taarsigassai ingerlatseqatigiiffiup nammineq aningaasaataanut ilanngunneqarnissaat akuersissutigineqassasoq
- Nuup Bussiinut ingerlatsinermi tappiissutit 2022-misut annertussuseqaannarnissaat akuersissutigineqassasoq

Suliamik saqqummiineq

Nuup Bussiisa suleqatigiinnissaanik isumaqatigiisummik isumaqatiginninniaqqinnermi ingerlatseqatigiiffiup aningaasaqarnera oqaluuserineqarpoq. Tamatuma kingunerisaanik kommunip attaviginissaa siulersuisunit kissaatigineqalerpoq, piffissami aggersumi ingerlatsiviup unammilligassai periarfissaalu pillugit nassuiaanissaq siunertaralugu (ilanngussaq 1 takuuk). Tassani ilaatigut nassuiaatigineqassaaq, taarsigassarsiat 8 mio. koruuninik annertussuseqartut kommunimut taarsersuinissami kingunerisassai, peqatigitillugulu ingerlatsinermi tapiissutit annikillineqarnissaat ingerlatseqatigiiffimmiit naatsorsuutigineqarlutik. Nuup Bussiisa siulersuisut kiisalu pisortaqtigiit suleqatigalugit allaffeqarfik ima aaqqiissutissatut siunnersuuteqarpoq:

Taarsigassanik nuussineq

2020-mi corona atugaalerpoq, tamannalu tamanik angallassinermik tatisimatitsivoq. Kommune Nuup Bussii suleqatigalugit isumaqatigiippuut bussinik pisinissamut tunngatillugu aningaasaliinissamut pilersaarut isumaqatigiissutaareersoq ingerlatiinnassallugu. Corona pillugu killilersuuteqaraluartoq ingerlatseqatigiiffiup ingerlanneqarneranut ingerlatseqatigiiffimmi aningaasaat tigorianaanaat naammannissaat qulakkeerniarlugu ingerlatseqatigiiffik 2025-mi tamaat akilernerqartussanngorlugu coronamut atatillugu taarsigassanik 8 mio. koruuninik aningaasaliissalluni Kommunalbestyrelse 2020-mi aalajangerpoq

Tamassuma kingorna bussinik taarsiineq kiisalu billetsit akiinik - isertitaviusunik qaffaanissamut killilimmik periarfissaqarneq pissutigalugu ingerlatseqatigiiffik taarsigassat akilernissaanut sipaarniarnermut killilimmik periarfissaqarsimavoq. Tamanna pissutigalugu allaffeqarfik Nuup Bussiini siulittaasut kiisalu pisortaqtigiit peqatigalugit innersuussutigissavaat coronamut atatillugu taarsigassarsiat ingerlatseqatigiiffiup nammineq aningaasaataanut ilanngunneqassasut.

Ingerlatsinermit tapiissutit attanneqaannarnissaat

Suleqatigiinnissamut isumaqatigiisummi siullermi piumasaqaataavoq billetsit akitsorneratigut ingerlatsinermit aningaasaliineq ukiumut ataasiarluni appartinneqartassasoq. 2023-mi missingersuutit pillugit isumaqatiginninniarnermi Kommunalbestyrelse aalajangerpoq billetsit akikillissasut peqatigitillugulu bussinik ingerlassinerup eqimattat ilaannut akeerutissasoq. Nuup Bussiinut tamanna matussuserneqarpoq, ingerlatseqatigiiffimmi billetsit akitsorneratigut isertitaqarnerunissaq qulakkeerneqarsinnaanngimmat. Taamaattorli piffissami tassani suleqatigiinnissamut isumaqatigiissut tunngavigalugu ingerlatseqatigiiffiup ingerlanneqarneranut tapiissutit apparneqarput. Ingerlatsinermit tapiissutit appariartuinnarnerisa peqatigitillugulu ingerlatseqatigiiffiup billetsit akitsornissaanut periarfissaqannginnerata Nuup Bussiisa tunngaviumik isertitaqarnera sanngiillisissavaa

Allaffeqarfiup Nuup Bussiini siulittaasut kiisalu pisortaqaatigiit peqatigalugit innersuussutigerusuppaa 2022-mi ingerlatsinermut tapiissutit = 2.067.000 koruunit attanneqassasut.

Ingerlatsivimmit aningaasatigut sulisoqarnikkullu naliliinerit

Taarsigassarsiamik 2025-mi taarseereersimanissaannut kommune missingersuusiornikuunngimmat taarsigassarsiat ingerlatseqatigiiffiup nammineq aningaasaataatut allangortinneqarpata kommunimut aningaasartuutaassanngilaq.

Suliffeqarfimmut Kiffartuussivimmit aningaasatigut naliliineq

Taarsigassarsiap allangortinneqarnissaa Nuup Bussiisa ingerlaannarnissaanut pingaaruteqartuummat aamma kommunip aningaasaqarneranut sunniuteqarnerluttussaannngimmat allangortitsinissaq ingerlatsivimmiit pitsaasutut isigineqarpoq. Ingerlatsinermut tapiissutinut tunngatillugu aamma taamatulli 2022-mi ingerlatsinermut tapiissutaasut attatiinnarneqarnissaat kommunip karsimiittuutaanut sunniuteqarnerluutaassanngilaq. Akuerineqarnissaanik inassuteqaatit ingerlatsivimmiit tapersernartinneqarput allamillu oqaaseqaatissaqaratik.

Inatsisitigut tunngavissaq allakkallu tunngaviusumik uppersaataillit

- Kommuneqarfik Sermersuup piginnittuunermut periusissiaa

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 26.09.23:

Inassuteqaat akuersissutigineqarpoq, ima allannguutitalerlugu: Immikkoortumi ingerlatsinermut tapiissutinut aningaasartaa kalaallisooraa iluarsineqassaaq.

Ilanngussat

Soqanngilaq.

Punkt 10: 2024-mut missingersuutit siullermeerneqarnerat

Beslutning

Inassuteqaatini siulleq aamma aappaat akuersissutigineqarput.

Inassuteqaatit pingajuanni akileraarutip 26%-tiunissaa akuersissutigineqarpoq.

Bilag

Angusat allattorsimaffiat

Aningaasaliissutinut takussutissiaq

Sanaartugassanut missingersuutit

Siunertat allaaserineqarneri



2024-mut missingersuutit siullermeerneqarnerat

Aalajangiiffigisassaq

SagsID.: EMN-2023-01436

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- tunngaviusumik missingersuutit oqaluuserineqartut naleqqussaannerit ilanngullugit akuersissutigineqassasut
- ilanngussaq 6 naapertorlugu 2024-mut siunertat allaaserineqarnerat akuersissutigineqassasoq
- Akileraarutip procentia 26% oqaluuserineqassasoq

Suliamik saqqummiineq

Allaffeqarfik Aningaasaqarnermut Inuussutissarsiornermullu Ataatsimiititap 2024-mut inaarutaasumik missingersuusiorneranut atatillugu arlalinnik allagaqarpoq suliamut saqqummiussisummut matumunnga ilanngunneqartunik.

Allagaatit tassaapput 2024-mut missingersuutitut kiisalu ukiunut missingersuusiorfiusunut 2025-2027-nut missingersuutit saqqummiussasat ataatsimut katiterneqarneri. Missingersuutit saqqummiinermi 2024-mi tunngaviusumik missingersuutit suliarineqarnissaat, ataatsimiititallu missingersuutit qanoq oqimaaqatigiissaarisooqassanersoq pillugu isummernissaa siunniunneqarpoq.

Allaffeqarfiup 2023-mut missingersuutit akuerisat kiisalu TB1 aamma TB2 aallaavigalugit 2024-mut tunngaviusumik missingersuutit suliarai. Kommunip missingersuutaa isertitanut, ingerlatsinermi aningaasartuutit, ernianut sanaartugassanullu aningaasaliissutit agguagaavoq.

Ataatsimiititap siullermeerinninnissaanut 2024-mut tunngaviusumik missingersuutit ilaapput, tassanilu tunngaviatigut nalinginnaasumik ingerlatsinermi 413 mio. koruuninik inerneqartut takussutissaalluni, sanaartugassanut aningaasaliissutit 242 mio. koruunit, tamatumalu kingunerisaanik 2024-mut inernerusut 170 mio. koruuniussallutik.

Ukioq manna missingersuutit suliaqarnissami 'Missingersuutitigut inissisimaneq'-mik taaneqartoq assut pingaaruteqarsimavoq. *Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allannortinneqarnissaa* pillugu Inatsisartut inatsisaat nr. 13, 1. december 2021-meersoq akuerineqarnerani, kommune aningaasartuutimik killilersuinissaminik pisussaaffilerneqarpoq – naak aamma isertitat amerliartoraluartut.

Tamanna isumaqarpoq, kommunip ingerlatsinermut sanaartornermullu aningaasartuutai annerpaamik 2.263 mio. koruuninik amerlassuseqassasut. Ukiumi missingersuusiorfimmi 2024-mi ingerlatsinermut sanaartornermullu katillugit 2.336 mio. koruuninik aningaasartuuteqarfiussamik missingersuusiorortoqarpoq, tamannalu isumaqarpoq, missingersuusiornermut inatsisip malinnissaanut 73 mio. koruuninik amerlassusilinnik missingersuutitigut imaannaanngitsortoqarpoq.

Ataatsimiititaq sanaartornermut missingersuutit misissueqqaarnissanilu pingaarnersiutinik allannortitsissasoq siunniunneqarpoq, missingersuutitigut inissisimanerup taamaatsinnarnissaa



anguneqassappat, aningaasartuutit annikillisinneqarnissaannik pisariaqartitsineq eqquutsinneqartariaqarmat. Ilutigalugu politikikkut pingaarnersiuisinnaanissaq qulakkeerniarlugu pingaarnersiukkanik allannguisoqassaaq. Taamaalilluni atorsinnaasat tassaapput politikikkut missingersuutit pillugit isumaqatiginninniarnermi najoqqutassat. Aningaasat atorsinnaasat tunngavigalugit Kommunalbestyrelse missingersuutininut siunnersuutit pingaarnersiornissaannut kiisalu missingersuutini kissaatit suliniutillu nutaat ilanngunnissaannut periarfissaqassaaq.

Missingersuutit Kommunalbestyrelsimi siullermeerneqarnissaannut saqqummiunneqassapput, tamatumalu kingorna missingersuutit inaarutaasumik aalajangiunneqarsimasutut naatsorsuutigineqarnissaannut Aningaasaqarnermut Inuussutissarsiornermullu Ataatsimiititami Kommunalbestyrelsimilu aappassaaneerneqassapput.

Ingerlatsivimmit aningaasatigut sulisoqarnikkullu naliliinerit

Aallaqqaasiutitut ingerlatsivimmit oqaatigineqassaaq, missingersuutissatut siunnersuut 2023-mut missingersuutit akuerisat aallaavigalugit suliarineqarmat, 2023-mi ilassutitut aningaasaliissutit akuerineqarnerisa kingorna aaqqiissutitaqartut. Ingerlatsivimmit nalilerneqarpoq, missingersuutissatut siunnersuut massakkut saqqummiunneqartoq suliaalluortoq, tunngavilersorluagaasoq kiisalu pissutsit piviusut misissuinerillu tunngavigalugit suliaasoq. Missingersuutit aqutsinermut atugassaapput, matumanilu allaffeqarfimmit politikinerinillu missingersuutit, tassunga ilanngullugit imarisai piumasaqaatillu ilaasut, tutsuigineqarnissaat pisariaqarpoq. Taamaattorli suliassat annertussusiisa allanngornerinik kiisalu tassanngaannartumik pisoqarneranik missingersuutininut siunnersuusiornermi siumut naatsorsorneqarsinnaanngitsunik pisoqarsinnaavoq. Pissutsit taamaattut ukiumi missingersuusiornermi ilassutissatut aningaasaliissutitut ilaatinneqartassapput.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit naliliineq immikkoortumi qulaani takuneqarsinnaavoq, Suliffeqarfimmut kiffartuussivik suliamut uunga pineqartumut susassaqartuugami.

Inatsisitigut tunngavissaq allakkallu tunngaviusumik uppernarsaatillit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Aqutsinermut ileqqoreqqusat
- Kommuneqarfik Sermersuumi 2024-mut missingersuusiornermut malittarisassat
- Kommuneqarfik Sermersuumut piginnaatitsinermik agguataarinissamut pilersaarut

Siusinnerusukkat aalajangiinerit

Suliffeqarfimmut Kiffartuussivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- ataatsimiititaq ilanngussaq 1 naapertorlugu missingersuutini qanoq oqimaqatigiissaarisooqassanersoq pillugu politikikkut isummissasooq
- ilanngussat 2 - 5 naapertorlugit aningaasatigut ilungersunartut 55 mio. koruuninik amerlassusillit 2024-mut missingersuutini ilanngunneqarnissaat akuersissutigineqassasooq
- ilanngussat 6 - 9 naapertorlugit missingersuutininik nuussinissamut siunnersuutigineqartut akuersissutigineqassasut



- akissarsianik siumut naatsorsuinermi 2,8%-inik annertussusilerneqarnissaat akuersissutigineqassasoq
- ilanngussaq 10 naapertorlugu sanaartugassatut pilersaarutit pingaarnersiorneqarnerannik allangortitsinissaq akuersissutigineqassasoq
- ilanngussaq 11 naapertorlugu misissueqqaarnissanik pingaarnersiuisoqassasoq
- ilanngussaq 12 naapertorlugu 2024-mut siunertat allaaserineqarnerat akuersissutigineqassasoq
- Akileraarutip procentia 26% oqaluuserineqassasoq
- Missingersuutit oqaluuserineqartut, naleqqussaanerit ilanngullugit, siullermeerneqarnissaannut Kommunalbestyrelsimut inassuteqaatigineqassasut

Inassuteqaat akuersissutigineqarpoq, imatut oqaaseqaatitalerlugu:

Inassuteqammi immikkoortoq 5-imut tunngatillugu 2024-2027-mi sanaartugassanut missingersuutitigut pisariaqartutigut pingaarnersiuinissamik nuussinissamullu Aningaasaqarnermut Inuussutissarsiornermullu Ataatsimiititaq akuersivoq (suliamut "2024-2027-imut sanaartugassatut pilersaarutit pingaarnersiorneqarnerannik allangortitsinissaq" nutaatut ilanngussaq), aalajangiussamut ilanngunneqassaaq.

Sanaartugassanut missingersuutitigut pingaarnersiuiineri allanguinissamik Aningaasaqarnermut Inuussutissarsiornermullu Ataatsimiititamit innersuussuteqarneq tunngavigalugu angusat nalunaarsorneqarnerat, aningaasaliissutinut takussutissiaq aamma Sanaartugassanut takussutissaq nutaamik suliarineqassapput, taamaalilluni aningaasat atorsinnaasat 86 mio. kr.-nik annertussuseqartussanngorlugit

Aammattaaq Aningaasaqarnermut Inuussutissarsiornermullu Ataatsimiititamit innersuussutigineqarpoq, 2024-mi ingerlatsineri sillimmatissanik siumoortumik 20 mio. kr.-nik pingaarnersiuisoqassasoq, 2024-mi aningaasaqarnikkut ilungersunartorsiorortoqassagaluarpat matussutissaqartoqarsinnaanissaq pillugu.

Taamaalilluni politikikkut isumaqatiginninniarnermut 66 mio. kr.-nit atorneqarsinnaalerput.

Taanna atortussaq Kommunalbestyrelsip 2024-miit 2027-mut missingersuutissanik siullermeerinissaanut atugassatut innersuussutitalerlugulu nassiunneqarpoq.

Ilanngussat

1. Angusat allattorsimaffiat
2. Aningaasaliissutinut takussutissiaq
3. Sanaartugassanut missingersuutit
4. Siunertat allaaserineqarneri

Punkt 11: Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Beslutning

Inassuteqaat amerlanerussuteqartunit Inuit Ataqatigiinnit, Demokratitit, Siumukkunnit aammalu Storm Ludvigsen-mit akuersissutigineqarpoq.

Naleraq taaseqataanngilaq.

Bilag

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqquisissut

Suleqatigiiffiqarsinnaasut pillugit allattukkat sulianut ataatsimiititalianit akuerisat (Københavns Kommune)

Kommuneqarfik Sermersooq-mit siunnersuutit

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Aalajangiiffigisassaq

SagsID.: EMN-2023-02155

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Aningaasaqarnermut Inuusutissarsiornermullu Ataatsimiitap Kommunalbestyrelsimut inassuteqaatigaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisalittut aaqquissuussineq akuersissutigineqassasoq
- illoqarfiit pingaarnersaasa marluusut akornanni ataatsimut suliniutissatut siunnersuutit suliarineqassasut

Suliassamik saqqummiussineq

Aggustip ulluisa 25-anni 2022 Københavns Kommuniani borgerrepræsentationimi aalajangerneqarpoq, Københavni Rådhusalimi Naalagaaffeqatigiinni erfasat pingasut atornerqartalissasut, erseqqissaatiginiarlugu Naalagaaffeqatigiinnermi nunat naligiissut pingasut imminnut ataqatigiinnerat. Tassunga atatillugu Københavns Kommunimit kissaatigineqarpoq Naalagaaffeqatigiinnermi illoqarfiit pingaarnert pingasut suleqatigiinnissaat annertusarneqassasoq illoqarfittut ikinngutigiiittut suleqatigiinnissamik inaarutaasumik isumaqatigiissuteqarnikkut, Københavns Kommuniata Overborgmesteriata Sophie Hæstorp Andersenip Borgmesterimut Avaraaq Olsenimut pisortatigoortumik qaaqquissutaa innersuussutigalugu (takuuk llanngussaq 1).

Kissaatigineqarpoq, illoqarfiit pingaarnert pingasut suleqatigiinnerisa annertusarneqarneratigut illoqarfiit iluaquserneqassasut kulturikkut isumassarsioqatigiittarnikkut, pigiliutiinnakkanik annikillisaanikkut, ilisimasanik avitseqatigiinnikkut aammalu ataatsimoortumik piujuartitsinermik ineriartortitsinikkut. Tamanna pissaaq illoqarfiit pingaarnert akimorlugit suliniutinik eqqarsaqatigiinnikkut.

Københavns Kommuniani sulianut ingerlatsiviit suleqatigiinnissamut suliniutissat pillugit siunnersuusiorsimapput suliassaqarfiit arlallit akimorlugit, taakkulu politikikkut sulianut tunngasuni ataatsimiititaliani akuersissutigineqarsimapput (takuuk llanngussaq 2). Taamatuttaaq Kommuneqarfik Sermersuumi politikikkut ataatsimiititat ataavartut suleqatigiinnermi suliniutissatut siunnersuutinik allanik, suliassaqarfimminnut tunngasunik, suliqaqquneqarput. Siunnersuutit taakku illoqarfiit pingaarnersaasa marluusut akornanni ilisimasanik piginnaasanillu avitseqatigiinnermit periarfissaasinnaasunik atorluanaanissamik tunngaveqarluni pisariaqartitsinermi kissaateqarnermilluunniit tunngaveqarsinnaapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Nuuk - Issittumi Illoqarfiit Pingaarnersaat Nuuk pillugu Illoqarfiit Pingaarnersaattut Periusissiaq

Siusinnerusukkut aalajangiinerit

Kommunalbestyrelsi, 23.05.23:

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiyttut suleqatigiinneq pillugu malittarisassaliorneq akuersissutigineqassasoq

Inassuteqaat itigartitsissutigineqarpoq. Saaffiginnissut ataatsimiititani tamani suliarineqassasoq Kommunalbestyrelsimut aalajangiiffigineqarpoq, taamatuttaaq kingusinnerusukkut Illoqarfittut ikinngutigiiyttut suleqatigiinnerup imarisassaa suleqatigiinnerullu malittarisassiornissaa Kommunalbestyrelsip isummerfigiumaaraa aalajangiiffigineqarluni.

Meeqqanut Atuarfeqarnermullu Ataatsimiititaq, 02.08.23:

Inassuteqaat kinguartinneqarpoq imatut oqaaseqaatitalerlugu:

Meeqqanut Atuarfeqarnermullu Ingerlatsivimmi Københavnullu Kommuneaniit suleqatigiiffigineqarsinnaasut ersarissarneqarnissaat kissaatigineqarpoq.

Meeqqanut Ilaqutariinnullu Ataatsimiititaq, 03.08.23:

Inassuteqaat akuersissutigineqarpoq.

Sanarfinermut Avatangiisinullu Ataatsimiititaq, 10.08.23:

Suliaq kinguartinneqarpoq. Ingerlatsivik qinnuigineqarpoq suleqatigiissutissatut suut periarfissaaneriniq siunnersuusioqqullugu.

Suliffeqarnermut Isumaginninnermullu Ataatsimiititaq, 14.08.23:

Inassuteqaat akuersissutigineqarpoq imatut oqaaseqaatitalerlugu:

Kommuneqarfik Sermersuup aamma Københavns Kommuniata akornanni illoqarfittut ikinngutigiiyttut suleqatigiinneq pillugu malittarisassaliorneq akuersissutigineqarpoq.

Meeqqanut Atuarfeqarnermullu Ataatsimiititaq, 06.09.23:

Inassuteqaat akuersissutigineqarpoq.

Suliffeqarnermut Isumaginninnermullu Ataatsimiititaq, 12.09.23:

Inassuteqaat akuersissutigineqarpoq.

Meeqqanut Ilaqutariinnullu Ataatsimiititaq, 14.09.23:

Inassuteqaat akuersissutigineqarpoq.

Sanarfinermut Avatangiisinullu Ataatsimiititaq, 18.09.23:

Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititaq, 26.09.23:

Inassuteqaat amerlanerussuteqartunit Inuit Ataqtigiinnit, Demokratinit aamma Siumukkunnit akuersissutigineqarpoq.

Naleraq taaseqataangilaq.



Ilanngussat

1. Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqqusissut
2. Suleqatigiiffigineqarsinnaasut pillugit allattukkat sulianut ataatsimiitalianit akuerisat (Københavns Kommune)
3. Kommuneqarfik Sermersooq-mit siunnersuutit

Punkt 12: Ukiumut atuarfiusumut 2023/2024-mut ilinniartitsisunik pisariaqartitsinerup misissuiffigeqqissaarnera

Beslutning

Inassuteqaat akuersissutigineqarpoq.

Bilag

Ukioq atuarfiusoq 2023/2024-mi atuarfeqarnermut tunngasunik ilinniartitsisunik pisariaqartitsinerup misissuiffigeqqissaarnerani tiimit agguataarnerannut takussutissiaq



Ukiumut atuarfiusumut 2023/2024-mut ilinniartitsisunik pisariaqartitsinerup misissuiffigeqqissaarnera

Aalajangiiffigisassaq

SagsiD.: EMN-2023-03300

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- ukiumut atuarfiusumut 2023/2024-mut atuarfinni akunnerit atuartitsissutissat katinnerat akuersissutigineqassasoq

Suliassamik saqqummiussineq

Atuarfimmuut tunngasunik ilinniartitsisunik pisariaqartitsinerup misissoqqissaarnerani najoqqutarineqarpoq atuarfiit ukiumi atuarfiusussami tullermi atuartitsinermik ingerlatsinermi sinaakkutissaq tamakkiisoq. Tamanna tunngavigalugu ukiumi atuarfiusumi tullermi tiiminik atuineq tamakkiisoq oqaatigineqarsinnaavoq, qanorlu amerlatigisunik ilinniartitsisoqarnerasoq atuartitsinermik tamakkiisumik naammassinninnissamut pisariaqartunik. Ilinniartitsisunik pisariaqartitsinerup misissuiffigeqqissaarnerata aamma takutippaa ukiumi atuarfiusumi tullermi ilinniartitsisut piffissaq suliffigisassaat kiisalu ataasiakkaatut suliassaat aamma suliassaat nalinginnaasut. Peqatigitillugu atuarfinni tamani atualertussat aammalu atuarfinni tamani atuaqatigiit amerlassusissaat aamma oqaatigineqarsinnaapput kiisalu immikkut atuartitsiviusussat qanoq amerlatigisut pilersinneqassanersut. Naggataagut ilinniartitsisunik pisariaqartitsinerup misissuiffigeqqissaarnera atuarfimmuut ingerlatsinermi aningaasaliisarnerup ingerlatiinnarnissaanut aalajangiisuussaaq. Ilinniartitsisunik pisariaqartitsinerup misissuiffigeqqissaarnera Nuna tamakkerlugu inatsisitigut, piffissaq suliffiususaaq pillugu isumaqatigiissut, kommunip atuarfimmuut tunngasunik kiffartuussinerata qaffasissusaanut pituttugaavoq.

Ukiup naatsorsuusiorfiusup nutaap aallartinnerani ukiup atuarfiusup tulliaata aallartinnissaanut pilersaarusiorluni suliaqarneq, ukiumi atuarfiusumi tulliusumi tiimit agguataarnissaat ingerlatsivimmit siunnersuut nalunaarutigineqassaaq. Tamanna siunnersuut tunngaveqarpoq atuartut siunissami amerlassusissaannik tiguisarnermi naatsorsuineq kiisalu qitiusumik suliffissaq pillugu isumaqatigiissutinik tunngaveqarluni. Tamatuma kingornagut atuarfiit ingerlatsivimmut utertitsisarput ilaatigut oqaaseqaateqarlutik, kissaateqarlutik aaqqiissuteqarlutillu. Ilinniartitsisunik pisariaqartitsinerup misissuiffigeqqissaarnerata inaarutaasumik suliarineqarnera naammassippat, atuarfiit ukiumut atuarfiusumut tullermu atatilugu atuartitsissutinik agguataarineq, sammisassanik pilersaarutit skemaliornerlu suliaralugu timitalersussavaat. Ilinniartitsisunik pisariaqartitsinerup misissuiffigeqqissaarnerata saniatigut aamma ukiumut tulliuuttumut immikkut atuartitsinissaq pilersaarusiorneqartarpoq.

Meeqqanut Atuarfeqarnermullu Ingerlatsivimmi Atuarfeqarnermut Immikkoortortap ukiumut atuarfiusumut 2023/2024-mut ilinniartitsisunik pisariaqartitsinerup misissuiffigeqqissaarneranut suliaq naammasseqqammerpaa.

Ilinniartitsisunik pisariaqartitsinerup misissuiffigeqqissaarnerata naatsorsorneqarnera tunngavigalugu ukioq atuarfiususaaq tulleq ingerlatsivimmit nalilerneqarpoq, kommunimi illoqarfinni nunaqarfinnilu atuarfinni 16-ini atuartut katillugit 3.035-t aallartissasut. Tamanna ukiumit kingullermiit 31-nik atuartoqarneruvoq. Atuartut amerlassusissaasa katinneranni atuartut 225-t



immikkut atuartinneqassapput. Ukiumut atuarfusumut kingullermut naleqqiullugu atuartut 13-nik ikinnerupput. Klassit 155-t pilersinneqarnissaat naatsorsuutigineqarpoq, ukiup atuarfusup siulianit marlunnit amerlanerullutik. Tassunga ilanngullugu immikkut atuartitsineri klassit 37-t pilersinneqarnissaat naatsorsuutigineqarpoq. Ukiumi atuarfusumi kingullermut sanilliullugu klassimik ataatsimik ilassapput.

Atuarfinni akunnerit atorneqartussat katillugit 814.860 tiimiussasut naatsorsuutigineqarpoq. Ukiup atuarfusup siulianit 6.603 tiiminik amerlanerullutik. Naatsorsoraanni ilinniartitsisut atorfiisa 387-t amerlaqatigaat. Ukiumut atuarfusumut kingullermut sanilliullugu ilinniartitsisut atorfiit tallimanik amerlanerupput. Ukiumi atuarfusumi tullermi, akunnerit toqqaannartumik atuartitsissutissat katillugit 225.242-upput, taakkulu akunnerit atuarfinni atuartitsissutissat katillugit atorneqartunut 27%-ippup. Toqqaannartumik atuartitsinerit saniatigut, tiimit tunniunneqartartut immikkut ittunut suliassanut tunniunneqartartut; soorlu pikkorissarnerit, klassimi aqutsisunut siunnersortinut, atuartitsissutinut siunnersuineq, sulisunut sinniisutut suliassat, atuarfimmi aqutsineq, ferie aammalu nalliuttunut kiisalu najukkami ingerlanneqartut atuartitsineri atuarfimmilu sammisassat allat, tiiminik aamma atuiiffusarput.

Ingerlatsivimmit aningaasatigut sulisoqarnikkullu naliliinerit

Ukiumut atuarfusumut 2023/2024-mut ilinniartitsisunik pisariaqartitsinerup misissuiffigeqqissaarnera tunngavigalugu Meeqqanut Atuarfeqarnermullu Ingerlatsiviup nalilerpaa, atuarfeqarnermut tunngasunut ilinniartitsisunut tallimanut amerlanerusunut aningaasaliisoqaqqissasoq, ukiup atuarfusup siuliani ilinniartitsisut amerlassusii missingersornerani 382-mata ukiullu atuarfusup 2023/24 missingersornerani ilinniartitsisut 387-llutik. Ilinniartitsisunik amerlanerusunik pisariaqartitsineri pequtaavoq atuartut amerlinerat, taamaalillunilu klassinik marlunnik kiisalu immikkut atuartitsivimmik ataatsimik pilersitsisariaqarneq. Aningaasarsiat ilinniartitsisunut tallimanut 2,5 mio. kr. ukiormut naleqarput. Ingerlatsivimmit nalilerneqarpoq ukioq manna sinaakkutaasut iluaniissinnaassasut. Ingerlatsivik budgetimut isumaqatigiinniarnermut 2024-mut aningaasartuutit pisariaqartitat matussusernissaannut qinnuteqassaaq.

Suliffeqarfimmut Kiffartuussivimmit aningaasatigut naliliineq.

Budgetimut isumaqatigiinniarnermut 2024-mut aningaasartuutit pisariaqartitat matussusernissaannut qinnuteqartoqassaaq, Suliffeqarfimmut Kiffartuussivik allamik oqaaseqaatissaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Atuarfik pillugu inatsisartut inatsisissaattut siunnersuut nr.15, 3.December 2012-imeersoq
- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr.21, 8.december 2017-imeersoq
- Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Kalaallit Nunaanni meeqqat atuarfianni ilinniartitsisut il.il. akunnernut suliffissaannut isumaqatigiissut

Siusinnerusukkut aalajangiinerit

Meeqqanut Atuarfeqarnermullu Ataatsimiititaq, 06.09.23:

Inassuteqaat akuersissutigineqarpoq.



Aningaasaqarnermut Inuussutissarsiornermullu Ataatsimiititaq, 26.09.23:
Inassuteqaat akuersissutigineqarpoq.

Ilanngussat

1. Ukioq atuarfiusoq 2023/2024-mi atuarfeqarnermut tunngasunik ilinniartitsisunik pisariaqartitsinerup misissuiffigeqqissaarnerani tiimit agguataarnerannut takussutissiaq

Punkt 13: Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isumaqatigiissut 2024-2027

Beslutning

Inassuteqaat akuersissutigineqarpoq.

Bilag

Kommuneqarfik Sermersuup aamma Timersoqatigiiffiit Kattuffiata akornanni suleqatigiinnissamik isumaqatigiissut 2024-2027

Kommuneqarfik Sermersuup aamma Timersoqatigiiffiit Kattuffiata akornanni suleqatigiinnissamik isumaqatigiissut 2024-2027 – paasissutissat kingulliit ilanngullugit



Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isumaqatigiissut 2024-2027

Aalajangiiffigisassaq

SagsID.: EMN-2022-09300

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isumaqatigiissut akuerineqassasoq

Suliamik saqqummiineq

Qinigaaffik 2022-2025-mi IA-p aamma Naleqqap akornanni suleqatigiinnissamik isumaqatigiissutaanni allassimavoq, GIF-ip (Kalaallit Nunaanni Timersoqatigiit Kattuffiata) nunarsuarmi tamani timimik aalatitsinerpaatut anguniagaqarnera partiit isumaqatigiissuteqartut sulissutigiumavaat. Taamaattumik GIF-ip takorluugaa ulluunerani paaqqinnittarfinnut, atuarfinnut aammalu ulluinnarni inuunermit ilanngullugu eqqarsaatigineqassaaq. Kommuneqarfik Sermersooq aamma GIF kommunimi innuttaasut eqeersimaartumik pitsaasumillu inuuneqarnissaannik qulakkeerinninnissaq siunertaralugu pisussaaffilimmik suleqatigiinnissamik kissaatigarput.

Meeqqanut Atuarfeqarnermullu Ingerlatsivik aamma Timersoqatigiit Kattuffiat tamanna tunngavigalugu ukiunut 2024-2027-mut suleqatigiinnissamik isumaqatigiissuteqarput isumaqatigiinnerup sivitsorneqarnissaa periarfissaritillugu.

Suleqatigiinnissamik isumaqatigiissut tulliuuttunik siunertaqarpoq:

- 1) innuttaasut amerlanerusut timiminnik aalatitsisarnissaat annermillu meeqqat inuusuttullu amerlanerit eqeersimaartunik ataatsimoorfeqarnissaat – inuuniarnermikkut tunuliaqutaat, innarluutaat, suaassusaat najugaqarfiilu apeqqutaatinnagit – qulakkeerneqassasoq
- 2) Kommuneqarfik Sermersooq sunngiffimmi inuunermik peqqinnartumik eqeersimaartumillu, innuttaasut pillugit najukkami pissutsinut naleqqussagaasumik ilisarnaateqalernissaanut tapeeqataassaaq
- 3) Kommuneqarfik Sermersuumi meeqqerivinni, atuarfinni, AKO-ni klubbinilu meeqqat inuusuttullu ulluinnaanni timimik aalatitsinerup atugarissaarnerullu nalinginnaasunngornissaannik qulakkeerinninnissaq

Suliassaqarfinni toqqakkani qitiutinneqartuni pingasuusuni suleqatigiinneq aallaaveqarpoq:

- 1) Meeqqat, Inuusuttut Aalanerlu
- 2) Peqqinnartumik eqeersimaartumillu peqatigiiffilerineq
- 3) Atortorissaarutit aalanerulersitsisut

Qitiutinneqartuni tamani suleqatigiinnissamik isumaqatigiissummi suliniutissat erseqqissut arlaqartut allaaserineqarput Kommuneqarfik Sermersuup aamma Timersoqatigiit Kattuffiata akornanni suleqatigiissutigineqarsinnaasut kissaatigineqartullu.

Kommune aamma Timersoqatigiit Kattuffiata eqqummaariffigivaat, siunissami suliniutit tamakkua allangortinneqarnissaat pisariaqarsinnaassasoq, paasinarsippat iluarsisuteqartoqarnissaannik pisariaqartinneqartoq. Taamaattumik suleqatigiinnissamik isumaqatigiissut allagaatitit allangorartussat, Kommuneqarfik Sermersuumi innuttaasunut timersortarnissamat



ataatsimoorfeqarnissamullu pitsaanerpaamik naatsorsuuteqarsinnaanissamut ataatsimut anguniagaqarnermut tunngasutut isigineqassaaq.

Suleqatigiinnissamik isumaqatigiisummi suliniutit ingerlanneqarnissaat qulakkeerniarlugu suliniutinut suliaqartussanik pilersitsisoqarpoq, Meeqqanut Atuarfeqarnermullu Ingerlatsivimmit toqqarneqartumit suliniutinut aqutsisumit aqunneqartumik. Meeqqanut Atuarfeqarnermullu Ingerlatsivimmit suliniutinut suliaqartussat inuttaqartinneqarput, aqutsisup saniatigut, tassaallutik Sammisassaqaqtitsinermut Fagcheffi aammalu Ineriartortitsinermut cheffi, taavalu Timersoqatigiit Kattuffiannit aallartitaq ataaseq.

Qitiutinneqartutut toqqakkanut tamanut suliamut ataqatigiissaarisumik toqqaasoqassaaq, tassanilu Meeqqanut Atuarfeqarnermullu Ingerlatsivik sulianut ataqatigiissaarisunik marlunnik toqqaassaaq, taavalu Timersoqatigiit Kattuffiata pingajuat toqqaassavaa. Qitiutinneqartut tamakkerlugit sulinissamut atatillugu suleqatigiittussanik pilersitsisoqassaaq, taakkunani Meeqqanut Atuarfeqarnermullu Ingerlatsivimmi, Timersoqatigiit Kattuffianni suleqatigisanilu allani attuumassuteqartuni suliassanik ilisimaarinnittut inuttaritinneqassallutik.

Qitiutinneqartunik sulineq allaffissornermi aqutsisoqatigiinnit aqunneqassaaq, taakkunani inuttaassallutik Meeqqanut Atuarfeqarnermullu Ingerlatsivimmi pisortaq aammalu Timersoqatigiit Kattuffianni Allattaaneq. Allaffissornermi aqutsisoqatigiit Meeqqanut Atuarfeqarnermullu Ataatsimiititamut atapput aammalu Timersoqatigiit Kattuffianni siulersuisunut, ataavartumillu suleqatigiinnissamik isumaqatigiisummi suliniutissanik suliaqarneq pillugu killiffik ilisimatitsissutisassallugu.

Ingerlatsivimmit aningaasatigut sulisoqarnikkullu naliliinerit

Timersoqatigiit Kattuffiata aamma Meeqqanut Atuarfeqarnermullu Ingerlatsiviup suleqatigiinnissamik isumaqatigiisummi suliniutit assigiinngitsut aningaasaliiffigineqarnissaannik qulakkeerinninnissaq ataatsimut sulissutigineqassaaq. Sulinermit aningaasartuutissat Meeqqanut Atuarfeqarnermullu Ingerlatsivimmi aamma Timersoqatigiit Kattuffiata ingerlatsinermut missingersuutaasa iluanni inissaqartinneqassasut ilimagineqarpoq. Tamanna pisinnaanngippat, pisariaqassaaq aningaasaateqarfinnut qinnuteqarnissaq imaluunniit Kommuneqarfik Sermersuumi Timersoqatigiillu Kattuffiata ukiumoortumik missingersuusiorterannut atatillugu aningaasaliiffigineqaaqqinnissaq qinnutigineqartassaaq.

Suliffeqarfimmut Kiffartuussivimmit aningaasatigut naliliineq

2024-2027-mut suleqatigiinnissamik isumaqatigiisummi ilanngussaq 1-imi ima allassimasoqarpoq: *"Suleqatigiinnissamik isumaqatigiisummi suliniutit Kalaallit Nunaanni Timersoqatigiit Kattuffiata Kommuneqarfik Sermersuullu missingersuutaasa iluini piviusunngortinneqarsinnaanngikkaangata, Kommuneqarfik Sermersuumi ukiumoortumik missingersuusiorterannut atatillugu aningaasaateqarfinnit aningaasaliissutinik imaluunniit aningaasaliissuteqaqqittoqarnissaannik qinnuteqartoqartassaaq. Matumani aalajangiisnaatitaaneq Kommunalbestyrelsimiippoq. Kalaallit Nunaanni Timersoqatigiit Kattuffiata Kommuneqarfik Sermersuullu suleqatigiinnissamik isumaqatigiisummi suliniutit assigiinngitsut aningaasaliiffigineqarnissaannik qulakkeerinninnissaq ataatsimut sulissutigissavaat."*

Suliffeqarfimmut Kiffartuussivik allanik oqaaseqaatissaqanngilaq.

Inatsisitigut tunngavissaq allakkallu tunngaviusumik uppernarsaatillit

- Inuit Ataqaqatigiit aamma Naleqqap akornanni Kommuneqarfik Sermersuumi kommunalbestyrelsimi 2022-mit 2025-mut suleqatigiinnissamik isumaqatigiisutaat



Siusinnerusukkut aalajangiinerit

Meeqqanut Atuarfeqarnermullu Ataatsimiititaq, 06.09.23:d

Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititaq, 26.09.23:

Inassuteqaat akuersissutigineqarpoq.

Ilanngussat

1. Kommuneqarfik Sermersuup aamma Timersoqatigiiffiit Kattuffiata akornanni suleqatigiinnissamik isumaqatigiissut 2024-2027
2. Kommuneqarfik Sermersuup aamma Timersoqatigiiffiit Kattuffiata akornanni suleqatigiinnissamik isumaqatigiissut 2024-2027 – paasisutissat kingulliit ilanngullugit

Punkt 14: Kommunitut pilersaarummut tapiliussap 4C7-1 Unaaq, Nuuk inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutininik suliaqarneq

Kommunitut pilersaarummut tapiliussaq 4C7-1 Unaaq Nuuk



Kommunimut pilersaarummut tapiliussap 4C7-1 Unaaq, Nuuk inaarutaasumik akuersissutigineqarnera

Aalajangiiffigisassaq

SagsID.: EMN-2023-00043

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- kommunimut pilersaarummut tapiliussaq 4C7-1 Unaaq, Nuuk akuersissutigineqassasoq

Suliamik saqqummiineq

Sanarfinermut Avatangiisinullu Ingerlatsivimmit kommunimut pilersaarummut tapiliussaq 4C7-1 Unaaq, Nuuk matumuuna saqqummiunneqarpoq. Kommunimut pilersaarummut tapiliussaq 4C7-1 Unaaq siunnersuutitut sapaatip-akunnerini arfineq-pingasuni tamanut tusarniaassutigineqarnikuvoq, piffissami juulip 5-ianiit aggustip ulluisa 30-nut 2023. Piffissami tusarniaaffiusumi tusarniaanermut akissuteqaatinik tigusaqartoqanngilaq, suliffeqarfimmiilli aaqqitassanik aaqqiissuteqartoqarpoq. Tamanna ilanngussaq 1-imi takuneqarsinnaavoq.

Kommunimut pilersaarummut tapiliussaq pilersarusiornermut siunnersuut Unaaq – Qinngutsinni nutaamik inissialiornissaq, piffissami 02. marsi – 27. aprili 2022-mi tamanut tusarniaassutigineqartoq kommunalbestyrelsimillu 30. aggusti 2022 akuersissutigineqartoq, tunngavigalugu suliarineqarpoq.

Matumani kommunimut pilersaarummut tapiliussami immikkoortoq C nutaaq, Nuummi Qinngutsinni inissianut inuussutissarsiutinullu mingutsitsisuunngitsunut, atugassiissutigineqarpoq. Immikkoortoq illoqarfiup qeqqa pioreersoq nangillugu atugassiissutigineqarpoq, tassanngaanniillu inissiaqarfiillu Suloraq, Pinguarq aamma Igimaq akornanni ikaarsaarfittut pilersinneqarpoq.

Aqqusineq pioreersukkut Unaakkut immikkoortumut aqquteqassaaq, taanna pilersaarummik ineriartortitsinissamat periarfissiinissamat avammut tallineqassamat.

Sanaartorfissat katillugit tallimat atugassiissutigineqassapput, quleriit assigiinngitsuussallutik sisamaniit arfinilinnut. Sanaartorfissami immikkut ataatsimik illuliortoqarsinnaavoq, taakkulu pingasunik ataatsimut sanaartukkanik illutaqassapput. Illuni init quleriit allersaat 50%-imik ammasutut sanaartorneqassapput, illup silataanik matuneqassanngillat. Taamaalilluni nunataatigut angallattoqarsinnaalissaaq, biilit unittarfiinik qulisanik sanaartortoqarsinnaalissaaq ilaallu ilanngullugit.

Illuliornikkut inissianik ataasiakkaanik 100-nik kiisalu inuussutissarsiornissamat periarfissanik arlalinnik, inissialiornermut ataqatigiissarsinnaasunik, sanaartornissamat periarfissaqalissaaq. Matumani inuussutissarsiutit mingutsitsisuunngitsut nipiliorfiunngitsullu pineqarput. Cafeqassapat/neriniartarfeqassapat unnuami nipiliorfiussanngillat.

Pilersaarutip ilaatut qaqqajunnakkut aqqusineeraliortoqarsinnaavoq, taamaasilluni Suloqqap Igimallu akornatigut aqquteqalissaaq. Silami sukisaarsaartarfiit amerlanerusut pilersinneqassapputtaaq, tassunga ilanngullugit pinnguartarfiit, uninngaartarfiit ilaallu ilanngullugit.



Kommunimut pilersaarummut tapiliussassatut siunnersuummik 4C7-1-imik akuersinikkut kommunimut pilersaarummut tapiliussani 4A4 - 2, 4A5-2/4A5 - 3 aamma 4C6 - 1 immikkoortumut aalajangersakkat allassimasut atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matuminnga kommunimut pilersaarummut tapiliussassaliorneq pilersaarummik piginnittumit isumagineqarpoq. Ingerlatsivimmit pitsaassutsimik qulakkeerinnineq, siunersieqatigiinneq ilaallu ilanngullugit ukioq tamaat sulisup ataatsip sulineranik 1/10-nik naleqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Aningaasaqarnermut Inuusutissarsiornermullu Ataatsimiititaq, 26.09.23:

Inassuteqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Kommunimut pilersaarummut tapiliussaq 4C7-1 Unaaq Nuuk

Punkt 15: 30D6-imut, Naasuliartarpi/Blomsterdalen, Tasiilaq, aalajangersakkat nutaat siunnersuutigineqartut inaarutaasumik akuersissutigineqarnerat

Beslutning

Inassuteqaat akuersissutigineqarpoq.

Bilag

Immikkoortup ilaa 30D6-imut Naasuliartarpi/Blomsterdalen, Tasiilaq, pingaarnertut aalajangersakkat nutaat

30D6-imut, Naasuliartarpi/Blomsterdalen, Tasiilaq, aalajangersakkt nutaat siunnersuutigineqartut inaarutaasumik akuersissutigineqarnerat

Aalajangiiffigisassaq

SagsID.: EMN-2023-01842

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsiornermullu Ataatsimiitap Kommunalbestyrelsimut inassuteqaatigaa:

- Tasiilami immikkoortup ilaa 30D6-imut Naasuliartarpi/Blomsterdalen pingaarnertut aalajangersakkt akuersissutigineqassasut

Suliamik saqqummiineq

Sanarfinermut Avatangiisinullu Ingerlatsiviup immikkoortup ilaanut 30D6-imut, Naasuliartarpi/Blomsterdalen, Tasiilaq, pingaarnertut aalajangersakkt nutaat matumuuna saqqummiuppai. 30D6-imut Naalusilartarpi/Blomsterdalen aalajangersakkt siunnersuutitut sapaatit akunnerini arfineq-pingasuni tamanut tusarniaassutigineqarput, piffissami 2023-mi juulip ulluisa 5-ianniit aggustip ulluisa 30-ata tungaanut. Tusarniaanermut killiliussap iluani akissutinik tigusaqartoqanngilaq.

Immikkoortup ilaa ullumikkut sanaartorfioqqusaanngitsutut, sukisaarsarfittut immikkoortutut toqqagaavoq atorneqarnissaa pinngortitaassutsimisut ittuussasoq aalajangersagaalluni. Immikkoortumi 3-nik illoqarpoq, tamarmik kuup qanittuani inissisimapput, taamaalillunilu illoqarfittut inissisimavoq. Pingaarnertut aalajangersakkt nutaat pillugit siunnersuummi immikkoortoq sukisaarsarfissatut aalajangersimaneqaannarpoq, kisianni periarfissiisoqarpoq illut pioreersut allanngortinneqarsinnaaneritut, tassunga ilanngullugu akunnittarfittut siunertalinnut. Ullumikkut Kommunimut pilersaarummi, immikkut pisoqartillugu, immikkoortoq D-mi akunnittarfiliorsinnaaneq illuaralorsinnaanerlu periarfissaavoq, immikkoortullu ilaata pingaarnertut aalajangersagartaanik allanngineq taamaalilluni naapertuutilissaaq.

Sumiiffimmi illut pioreersut ilaat ullumikkut nungullarsimapput atorneqaratillu. Illuutigineqartut siunertanut allanut atorneqartussanngorlugit allanngortinneqarnerisigut sumiiffiup sukisaarsarfissatut naleqarnera qaffatsinneqassaaq aammalu suliffinnik isumalinnik pilersitsinissaq annertusaaqataaffigissallugu.

Aalajangersakkt nutaat naapertorlugittaaq sukisaarsaarnermut ilagitillugit sanaartukkat pingaanninnerit naleqquttuusinnaapput, naatsiviit, ikaat, qimminut illuaqqat assigisaallu, sukisaarsartarfittut siunertanut ilaatinneqartut.

Aalajangersakkt nutaat akuersissutigineqarnerisigut aalajangersagaareersut atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matumani pingaarnertut aalajangersakkt nutaat siunnersuusiorneqarnerat pilersaarusionermut immikkoortoqarfiup pilersaarutaasumik ingerlatsineranut ilaavoq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Pilersarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunitum pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 26.09.23:

Inassuteqaat akuersissutigineqarpoq.

Ilangussat

1. Immikkoortup ilaa 30D6-imut Naasuliartarpi/Blomsterdalen, Tasiilaq, pingaarnertut aalajangersakkat nutaat

Punkt 16: 2023-mut Pilersaarusiornermut Periusissap inaarutaasumik akuerineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Pilersaarusiornerni periusissiaq 2023 – Sermersooq, najugaqarfigalugu pitsaasoq, akuerineqassasoq

Tunngaviusumik nalunaarut



2023-mut Pilersaarusionermut Periusissap inaarutaasumik akuerineqarnera

Sermersooq, najugaqarfigissallugu pitsaasoq

Aalajangiiffisassaq

SagsID.: EMN-2022-01694

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsionermullu Ataatsimiitap Kommunalbestyrelsimut inassuteqaatigaa:

- Pilersaarusionerni periusissiaq 2023 – Sermersooq, najugaqarfigalugu pitsaasoq, akuerineqassasoq

Suliamik saqqummiineq

Matumuuna Sanarfinermut Avatangiisinullu Ingerlatsiviup 2023-mi Pilersaarusionermi periusissiaq saqqummiuppaa – Sermersooq, najugaqarfigissallugu pitsaasoq. Pilersaarusionermut periusissiaq siunnersuutitut sapaatip-akunnerini qulini piffissami 24. maaji - 2. aggusti 2023-mi, tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit tiguneqarput, taakkulu oqaaseqatigiinnik annikitsunik allannguuteqartitsinermik kinguneqarpoq. Tassani ataasiakkaanik kingunerisassanik iluarsaassisoqassaaq, tassunga ilanngullugu innuttaasut amerlassusaannik kiisalu sumiiffinni assigiinngitsuni procentikkaartumik qaffariaatinik/appariaatinik nutarterisoqassaaq.

Pilersaarusionermut inatsimmi § 34 naapertorlugu kommunalbestyrelsip kommunimut qinigaaffiup siulliup naannginnerani (imaappoq kingusinnerpaamik 2023-imi apriliip qiteqqunnerani) Pilersaarusionermut periusissamik tamanut saqqummiussaqaassaaq. Periusissiami allaaserineqassaaq, siunissami kommunimut pilersaarusionermi suut qitiutinneqassanersut.

Pilersaarusionermut periusissiami allaaserineqassapput, pilersaarusionermut periusissiap kingullermik nutarterneqarneraniilli susoqarsimanersoq aammalu ukiuni sisamani tulliuuttuni kommunalbestyrelse sunik sammisaqarniarnersoq, taannalu periarfissat makku pillugit aalajangiiffiussalluni:

1. kommunimut pilersaarut tamarmi iluarsaanneqassasoq
2. kommunimut pilersaarummi sammisami ataatsimi amerlanerusuniluunniit iluarsaassisoqassasoq
3. kommunip nunataani sumiiffiit ilaannut iluarsaassisoqassasoq, imaluunniit
4. kommunimut pilersaarut ukiuni sisamani atuuttussanngorlugu nutaamik akuerineqassasoq

Ingerlatsivimmit pilersaarusionermut periusissami uani innersuutigineqarpoq kommunimut pilersaarummi sammisami ataatsimi amerlanerusuniluunniit iluarsaassisoqarnissaa akuersissutigeqqullugu.

Kommunalbestyrelsip 2022-imi novembarip ulluisa 28-anni ataatsimiinnerani workshopertitsisoqarpoq, tassanilu pilersaarusionermut periusissiaq ingerlatsivimmit



saqqummiunneqarpoq, tassanilu isumassarsiortoqarlunilu anguniagassanik nutaanik siunnersuusiortoqarpoq. Taakku pilersaarusiornermut periusissiami matumani ilanngunneqarput.

Aaqqiissutissatut siunnersuut – suliatigut naliliineq

Pilersaarusiornermut periusissiaq 2023 – Sermersooq, najugaqarfīgissallugu pitsaasoq piujuartitsisumik ineriartortitsinermi pingasuusunik tunngaveqarpoq tassaasut, aningaasaqarnikkut, inooqatitaanikkut avatangiisitigullu piujuartitsineq. Kommunitum pilersaarutip iluarsaateqqinnissaanut siunnersuutit taakku pingasuusut pingaarnertut naleqartitatut siunnersuutigineqarput.

Pingaarnertut naleqartitat ingerlatsinissami qitiutinneqartussat arfiniliusut makkuupput:

1. Tamanut inissiat pitsaasut
2. Meeqqat inuusuttullu inuunerat pitsaasoq
3. Sullivimmi avatangiisit pitsaasut
4. Sunngiffimmi inuuneq pitsaasoq
5. Attaveqaatit pitsaasut
6. Ataatsimoorfiusut pitsaasut

Qitiutillugit suliaqarfissat ataasiakkaat tamarmik siunertani iliuutsinilu uuttorneqarsinnaasumik piviusunngortinneqassapput. Taamaasilluni pilersaarusiornermut periusissiaq siunissami suliaasaqarfinni qitiutitani ataasiakkaani siuarsaanermi uuttortaanissamut tunngavissiissaaq.

Anguniakkat iliuuserisassallu Naalagaaffiit Peqatigiit nunarsuarmi anguniagaanut tunngatitaapput, taamaalilluni Kommuneqarfik Sermersuumi qanoq piujuartitsinermik suliaqartarnerput minnerunngitsumillu siuariaataasunik angusaqartarsimanitta uuttorneqartarnissaanut takussutissiamik pilersitseqqittoqassaaq.

Pilersaarusiornermut Periusissiami Nunarsuaq tamakkerlugu anguniakkanut ukununga malitaqarpoq:

3. Peqqissuseq atugarissaarnerlu
4. Ilinniartitaaneq pitsaassusilik
5. Suaassutsit akornanni naligiinneq
6. Imeq minguitsoq atortulersuutillu
7. Nukissiutit ataavartut
8. Suliffiit pitsaasut aningaasaqarnerlu inerikkiartortoq
10. Naligiinnginneq annikinnerusoq
- 11: Illoqarfiit inuiaqatigiillu piujuartitsiffiusut
12. Akisussaasumik atuineq tunisassiornerlu
16. Eqqissineq, naapertuilluarneq sullissiviillu patajaatsut
17. Suleqatigiinnikkut anguniagaqarneq

Tunngaviusumik nalunaarusiaq suliarineqartareerpoq, tassani pilersaarusiornermut periusissap qanoq suliarineqarnera allaaserineqarluni. Tunngaviusumik nalunaarusiattaq imarivaa immikkoortut inatsisinik tunngavillit, tassani ilaapput:

- Kommunitum pilersaarutip nutarterneqarnerata kingulliup killiffia
- siunissami ineriartortitsinissamut apeqqtut pingaarnertit allaaserineri



- periusissiami nutaami kingornagullu kommunimut pilersaarummi sammineqartussat nutaat pillugit innersuussut

Ingerlatsiviup Pilersaarusionermut periusissiaq 2023 atorlugu toqqarpaa ataatsimoortumik allaaserisaqarniarluni, ingerlatsivinni tamani ulluinnarni sulineri atugassatut tigussaasutut atorineqartussamik. Allatut oqaatigalugu allaaserisaq tassaassaaq, kommunip sumut ingerlaniarneranik pilertortumik nassaassaarfusooq, taamaalillunilu siunissami immikkoortunut pilersaarusionermi tunngaviliisuususaalluni.

Kommunalbestyrelsip suleqatigiinnissamik isumaqatigiissutaani (Kommuneqarfik Sermersooq - kommune illoqarfittut pingaarnersaq siuariartorfusooq) kommune sulii assigiinngisitaarnermut inissaqartitsinera pingaartinneqassaaq, kikkulluunniit tikilluaqqusaasutut misigissapput taamaasilluni ilaqutariit ilusilersugaanerani inuillu ukiui apeqqutaatinnagit tikilluaqqusaallutik. Kommuneqarfik Sermersooq najugaqarfittut tamanut pitsaasuusaaq

Kommunimut pilersaarummi digitaaliusumi Sermersooq2032.www.kp.sermersooq.gl-imi Kommuneqarfik Sermersooq pitsaasumik pilersaarusionermut sakkussaqarpoq, kommunip pingaarnertut ineriartornissaanut ikorfartuutaasumik.

Taamaattumik Sanarfinermut Avatangiisinullu Ingerlatsiviup ataatsimiititamut innersuussutigaa, qitiutitassat nutaat kommunimut pilersaarummi periusissiami ineriartortitsinissamut ilanngunneqassasut aammalu Nutarternissaanik aalajangernissami allaaserineqartutuut kommunimut pilersaarummi suliniutigineqartussat ilaasa nutarterni kisimik suliarineqassasut. Aallunniagassatut suliniutissatut nutaatut siunnersuutigineqartut immikkoortut killilersukkanut ataasiakkaatut pilersaarutiniit kommune tamakkerlugu periusissiornermi pilersaarusionermut tunngasuupput. Arlaqartut ingerlatsiviit arlallit suleqatigiissinnerisigut suliarineqassapput, ilaallu Sanarfinermut Avatangiisinullu Ingerlatsivimmi tunngaviligaallutik.

Ingerlariaqqinnissaq

Matumani Pilersaarusionermut periusissiaq 2023 Sermersooq, najugaqarfigissallugu pitsaasoq inaarutaasumik akuersissutigineqarpat Pilersaarusionermut periusissiaq P18 kiisalu Nunarsuarmi piujuartitsinermut ineriartortitsinermullu periusissiaq atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Pilersaarusionermut periusissiap suliarineqarnera ingerlatsiviup pilersaarutaasa ataavartut ilagivaat aammalu ukiut marluk nalingisa missaani suliaalluni.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Pilersaarusionerq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusooq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.



Aningaasaqarnermut Inuussutissarsiornermullu Ataatsimiititaq, 26.09.23:
Inassuteqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Pilersaarusionerni periusissiaq 2023 – Sermersooq, najugaqarfigalugu pitsaasoq, akuerineqassasoq
4. Tunngaviusumik nalunaarut

Punkt 17: Tasiilami B-51-mik nutaamik inissiineq

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Inissiffissatut siunnersuutigineqartoq

Tasiilami B-51-mik nutaamik inissiineq

Aalajangiiffigisassaq

SagsID.: EMN-2022-01590

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigaa:

- B-51-ip iluarsaaneqarneranut atatillugu nutaamut inissinneqarnissaanut sanaartorfissamik nutaamik siunnersuut akuersissutigineqassasoq

Suliassamik saqqummiussineq

Sanarfinermut Avatangiisinullu Ingerlatsiviup illup eqqissisimatitap B-51-ip iluarsaaneqarneranut atatillugu nuunneqarnissaanut siunnersuut, matumuuna saqqummiuppaa. Siunnersuummi pineqarpoq siunertamut aalajangersimasumut sanaartorfissamik nutaamik atugassiisoqassasoq. Inissiffissatut siunnersuutigineqartoq tusarniaassutigineqarpoq najukkami soqutiginninneq qulakkeerniarlugu. Tamatumunnga atatillugu tusarniaanermut akissut ataaseq tiguneqarpoq.

Tasiilami B-51 1894-imi sananeqarpoq eqqissisimatitaallunilu, taamaattumik illumik piginnittup akisussaaffigaa illu oqaluttuarisaanermilu naleqassusaa isumannaassallugit (Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersumi § 22 naapertorlugu). Kommuneqarfik Sermersooq B-51-imik piginnittuuvoq taamaattumik ingerlatsiviup matumuuna saqqummiuppaa illup siunissami iluarsaaneqarnissaanut atatillugu nuunneqarnissaanut siunnersuut.

Ingerlatsiviup nalilerpaa B-51-ip massakkut inissisimaffigisaa siunissami ajornartorsiutaalissasoq, aqquernup illup toqqammavianiit portunerusumiittup qanittuani illu inissisimammat. Tamanna isumaqarpoq illu aputinut katersuuffiusorujussuusoq aputillu aannerani immattoortartorujussuulluni ilaalu ilanngullugit.

Taamaattumik ingerlatsiviup Nunatta Katersugaasivia suleqatigalugu illup allamut nuunneqarnissaanut periarfissaqarnermoq misissorpaa. Siunissami inissisimavissaani sanaartorfissamik immikkoortitsisoqarnikuunngimmat ingerlatsiviup inissisimavissamut siunnersuut tamanut tusarniaassutigaa. Tassunga atatillugu tusarniaanermut akissummik ataatsimik tiguisoqarpoq, tamannalu ingerlatsiviup saniatigut aqqusinermik allanngortitsinissamut periarfissanik misissuinissaanik kinguneqarpoq. Pitsaanerpaamik iluarsisuteqarnissaq qulakkeerniarlugu saniatigut immikkut ingerlanneqassaaq.

B-51 immikkoortup ilaani 30C1 Tasiilami illoqarfiup qeqqani inissisimavoq, illoqarfiullu pisoqartaanut aqquernup akianiittumut *Ujuaap Aqqutaa* ilaalluni.

B51-imut illoqarfimmi sungaartumik nalunaarsukkami allassimavoq:

“Ajoqersuiartortitap illugeqqaagaa B-51, taaguute-qartinneqartoq “Kastellet” taasariaqarpoq assigiin-ngitsunut marlunnut atorineqarsimasutut, tassa quersuaaqqatut aammalu inuit najugaqarfissaattut. Illu napparneqaaqqaaramili sunut tamanut atornegartuarsimavoq. Ukiuni makkunani allaffittut atorineqarpoq.

Sananeqaqqaarami quassuttooqarpoq imminnut najurnmisunik silataagut sallilikkersugaalluni, silatirigullu immikkut, sallilikkat qaavisigut, sukalersugaalluni anorimut illersuutissanik. Ullumikkut silataa salliligaqarpoq, ullumikkullu igalaavi matualu nutaajupput. Amrnassalimmi illut siullersaattut, aammalu ukiif-fiusussatut sanaasimasutut sulii atasutut, illu taanna oqaluttuassa qarluarnermigut pingaaruteqarluarpoq.”

Inissisimavissatut siunnersuut sapaatit akunnerini arfineq-pingasuni tamanut tusarniaassutigineqarpoq.

Ingerlatsivimmit aningaasatigut sulisoqarnikkullu naliliinerit

Inissisimavik nutaaq akuerineqarpat sulisoqarnikkut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq.

Inatsisitigut tunngavissaq allakkallu tunngaviumik uppersaatiit

- Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq
- I Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaannik allanngortitsineq pillugu Inatsisartut inatsisaat nr. 5, 12. juni 2019-imeersoq (Nunami allanngutsaaliukkami Kalaallit Nunaata Avannaani aamma Kangiani illersuinermit aalajangersakkat sukannernerulersitat, illunik aserfallatsaaliineq iluarsaasarnertu pillugit malittarisassani erseqqissaaneq aamma kulturikkut kingornussat sumiiffinni kulturikkut oqaluttuarisaanermut tunngasut inissisimaffigisaanni ingerlatat sunniutaasa nalilersorneqartarneri)
- Pilersaaruserneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 18.09.23:

Inassuseqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 26.09.23

Inassuteqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Inissiffissatut siunnersuutigineqartuq

Punkt 18: Pilersaarutitut qinnuteqaatip Nuna Immikkoortoq Nutaaq inaarutaasumik akuersissutigineqarnera

Beslutning

Inassuteqaat akuersissutigineqarpoq.

Siumut inassuteqaammik akuersivoq immikkut oqaaseqaateqarluni.

Siumup kissaatigaa kommunep qinnuteqarsimasup aappaa Avataq ApS qanimut suleqatigalugu periarfissamik allamik ujartuisoqassasoq.

Bilag

Tusarniaanermut akissutininik suliaqarneq

Tusarniaanermi akissutit tiguneqartut

Allatut pilersaarut, Avataq ApS-imut Pilersaarutitut qinnuteqaat

Naliliinissamut immersuiffissaq, Avataq ApS

Pilersaarutitut qinnuteqaat Nuna nutaamik pilersaarusiortiffissaq

Pilersaarummik piginnittup allagartai, Nunataaq

Naliliinissamut immersuiffissaq, Nunataaq

Pilersaarutitut qinnuteqaatinik ingerlatsineq

Pilersaarutitut qinnuteqaatit misissuiviat

Inatsisartut inatsisaat nr. 34, 9. december 2015-imeersoq

Siornatigut pilersaarummik qinnuteqaammut, Avataq ApS, itigartinneqarsimasumut suliassamik saqqummiussineq

Umiarsualivimmik ineriartortitsineq

Ataatsiminnermi allattukkat



Pilersaarutitut qinnuteqaatip Nuna Immikkoortoq Nutaaq inaarutaasumik akuersissutigineqarnera

Aalajangiiffigisassaq

SagsID: EMN-2022-06079

Sanarfinermut Avatangiisinullu Ingerlatsivik – pisortaq direktør Søren Pedersen / SSKP

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- pilersaarutitut qinnuteqaat Nuna Immikkoortoq Nutaaq pilersaaruseriorfiusoq akuersissutigineqassasoq

Suliassamik saqqummiussineq

Matumuuna Sanarfinermut Avatangiisinullu Ingerlatsivik, pilersaarummik piginnittoq Grønlands Maritime Center aamma Jens Salling sinnerlugit, Nuna nutaamik pilersaaruseriorfigineqartoq pillugu saqqummiussivoq.

Pilersaarummik piginnittut immikkoortup ilaata 2B5 nunniorneqarnissaa kissaatigivaat tassanilu:

- nunaminertani imarsiornermik ilinniarfiit isumannaallisaanermut pikkorissaanermut illuliortoqassaaq
- annanniutinut atortunut ikaartarfik
- nunaminertanilu illut aalisakkeriviup sullissineranut aamma sakkunut atortussanullu inissiivissatut atorpeqartussat

Nuna Immikkoortoq Nutaaq tamanut tusarniaassutigisassanngorlugu sapaatit akunnerini arfineq-pingasuni piffissami 07.12.2022-01.02.2023-p tungaanut saqqummiunneqarpoq. Tusarniaanerp inglerlanerani innuttaasunik paasissutissiineq Katuami ulloq 24.01.2023 inglerlanneqarpoq, innuttaasut 10-t missaat takkupput. Piffissami tusarniaaffiusumi tusarniaanermut akissuteqaatit sisamat pissarsiarineqarput, taakkulu ilaat ataaseq allannguuteqartitsineramik kinguneqarpoq, aammalu ataaseq allatut pilersaarummik nassiussaqluni. Allatut pilersaarummik nassiussisuuvoq Avataq ApS (pilersinneqalersoq), siusinnerusukkut pilersaarutitut qinnuteqaammik 2021-mi nassiussinikuusoq. Allatut pilersaarutitut siunnersuut ataani allaaserineqarpoq.

OBS

Ilanngullugu Ingerlatsivimmit erseqqissaatigineqarpoq, immikkoortup ilaa 2B5, sumiiffik pilersaaruseriorfigineqareermat aamma kommunimut pilersaarummut tapiliussami pioreersumi sukumiisumik aalajangersagaqareermat, taamaalillunilu qinnuteqaat pilersaaruseriornermut inatsimmi killiliussat iluaniinnani. Kommunimut pilersaarummut tapiliusaaq atuuttoq 2018-imi immikkoortinneqarpoq *Nuuk Nutaamik Pingaarnertut Aaqqissuunneqarnerata* ilaatut. Immikkoortoq ullumikkut inuussutissarsiornermi, nioqqutissiornermi halitut ittunut siunertalinnut atugassanngortitaavoq. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannanngitsumilluunniit 100 procentimik pigineqartunut ineriartortitsinermut peqatigiiffiusunik atorpeqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

Ingerlatsivimmit innersuussutigineqarpoq, kommunimut pilersaarummi tapiliussami immikkuualuttoq 2B5-imut atuutsinneqartup atorunnaarsinnissaa, umiarsualiveqarnermut attuumassutilimmik inuussutissarsiut inglerlatsivimmit tapersorsorneqarusummat.

Pilersaarummut nunaminertamik inniminniinissamut umiarsualiveqarnermi oqartussaasunit akuerineqaaqarnissaa piumasaqaataavoq aamma soqutigisaqaqatigiinnit pilersaarut



akissaqartinneqarnissaanik qularnaveeqquserneqarsimassaaq. Tamatuma saniatigut sumiiffimmi erngup pitsaassusia misissuiffigineqassaaq tusarniaanermi akissuteqaat pissarsiarineqartoq tunngavigalugu.

Umiarsualivimmik ineriartortitsineq

Aallaqqaasiullugu ingerlatsiviup erseqqissaatigissavaa ukiuni kingullerni Nuummi umiarsualiviup ineriartortinneqarnissaannut assigiinngitsorpasuarunik pilersaaruteqartoqartarsimasoq. Ineriartortitsineq taanna pillugu ilanngussaq 12-imi takussutissiaq ilanngunneqarpoq.

Pilersaarutitut siunnersuut Nuna Immikkoortoq Nutaag

Pilersaarutitut siunnersuut Nuna nutaamik pilersaarutorfik 2,6 hektaritut annertussuseqarpoq. Taakkunannga 2,1 ha-ip missaaniittoq nunaareerpoq nunniugarlu 0,5 ha-íulluni.

Imarsiornermik Ilinniarfimmit kissaatigineqarpoq, imarsiortunut Nuummi neqeroorutigineqassasoq:

- imarsiortunik pikkorissaanernik aamma sillimaniarnermik ilinniartitsisarnissamik Neqeroorut taama ittoq maanna Paamiuniinnaq nassaassaavoq, tassani atortorissaarutit pisoqalisimapput kiisalu Danmarkimi

Jens Salling kissaateqarpoq:

- nunaminertanik aamma aalisakkeriviup illutassaanik pilersitsinissamik
- atortunut sakkunullu inissiivissamik iluarsartuussivissamillu atugassamik

Matumani assartuinerimi piffissamik annikillisaanissaq, atortunik nungullarsaataannginnerusoq, pigisanik torersuutitsinissaq mingutsitsinnginneruneq aamma illoqarfimmi nunaminertat siunertanut allanut atorneqarsinnaaniassammata.

Pilersaarutitut siunnersuummi siunnersuutigineqarportaag:

- puttasuliinissaq aamma imaani annaassiniutinut atortuinullu inaalitsivissamik ungalusalimmik immikkoortuliornissaq, tamatuma atornissaa Nuummi Qatserisartunut, Politiinut aamma Mittarfeqarfiit/ Kalaallit Airports atuinissamik neqeroorfigineqassallutik

Pilersaarummulli atortuni piviusorsiorturnik suleqatigiinneq saqqummiunneqanngilaq pilersaarummilu tassunga tunngasortaa takorluugaannaavoq.

Ingerlatsiviup nalilerpaa, pilersaarut immikkoortup ilaata pingaarnertut anguniagaanut tulluurtuusoq aamma kommunimut pilersaarummi inuussutissarsiuteqartut atanerannut pitsaanerulersitsissasoq. Pilersaarummili pilersaarutissatut siunnersuutip avannaatungaani immikkoortumik atuisinnaatitaanermik pisariaqartitsisoqarpoq, angallatinut mikinernut pituttortarfiit aalajangersimasut allanut nuuttariaqarmata.

Avatangiiseq illuliortaaserlu

Pilersaarutitut siunnersuummi sanaartorfissanik pingasunik atugassiisoqarpoq, ataaseq imarsiornermik annaassiniarnermillu ilinniakkanut marlullu illuliassanut aalisakkeriviup sullissineranut atortuusivissatut taakkulu allaffeqarfissaannut atugassat. Naatsorsuutigineqarpoq sanaartorfissat sisamaat, netstationeqarfissaq annertunngitsoq, pisariaqartinneqalerumaartoq. Tamanna Nukissiorfiit suleqatigalugit aalajangiiffigineqartussaavoq.

Illut iluseqartinneqarnerat inuussutissarsiutinut atorneqaqqajuttut aamma quersuarunut sanaarineqartartut malillugit pissapput. Immikkoortumi tassani avatangiiserineqartut, illut assingusut tamaaniittut, malillugit tulluussarneqassapput.

Avatangiiseq piujuartitsinerlu

Pilersaarutitut siunnersuummi nukissiutit nutaaliat atorneqarnissaat ilaanngilaq pilersaarummilu silap pissusianut akornutaanngitsunik atortoqarnissaq aamma takuneqarsinnaanani.

Pilersaarummi atortussat annerusumik ujaraapput ujaraaraallutillu qaartiternerlukuneersut, sequtsernikut imaluunniit Nuup eqqaani imaanit pisut.

Allamik pilersaarutitut siunnersuut Avataq ApS

Qinnuteqartoq suliffeqarfiuvoq pilersinneqarluni aallartisartoq, taamaattorli KM-L ApS-imi misilittagaqartoq. Qinnuteqartoq immikkoortup ilaani 2B2 / 2B5-imi – Qeqertani avannaatungaani, assigiinngitsunik pilersitserusuppoq, taakku tamarmik siunertanut assigiinngitsunut atorneqassallutik 13,15 ha-tut annertutigisumut agguataagaassallutik. Pilersaarutissatut siunnersuummi pingaarnertut siunertat arfiniliupput, taakku tamarmik attuumassuteqartunik assigiinngitsunik atortulersugaassapput. Pingaarnertut siunertaq:

- Umiatsialivik puttasullu
- Atoqqitassaasivik
- Atortussanik betonimik kuitsiviliorfik
- Biilini inissiisarfik isumannaallisagaq
- Inissiigallartarneq

Qinnuteqartup oqaatigaa assersuutigalugu Kofoed Skole-mik suleqateqarnissamik kissaateqarluni, tamannali siunniussaagallaavoq, sulimi siunniussamik nalunaaruteqartoqaraniluunniit suleqatigiinnissamik isumaqatigiissuteqartoqarnikuunngilaq. Qinnuteqartup aamma kommunimik suleqateqarnissap saniatigut sumiiffimmi atorluaaneq qanoq pissanersoq pillugu naatsorsuuteqarnermik nassuiaataa tamakkiisuunngilaq. Immikkoortup ilaanut 2B2 Nuummi Containereqarfik talittarfimmut tunngatillugu immikkoortup ilaaniittunut malittarisassaqaareerpoq immikkuualuttunik, matumani immikkoortup ilaa D, tamaani sanaartorfissanik immikkoortitsisoqareerluni. Pilersaarutitut qinnuteqaammi immikkoortup ilaani D-mi biilini inissiisarfimmik pilersitsisoqarnissaa siunnersuutigineqarpoq aammalu angallateeqqanut talittarfimmut atatillugu iluarsaassisarfiliorqarnissaa. Qinnuteqaat suliareqqitassanngorlugu akuersissutigineqarpat, pilersaarutip ilaa taanna nutarterneqassaaq.

Inerniliineq

Ingerlatsiviup innersuussutigaa kommunimut pilersaarummut tapiliussa 2B5-1 atorunnaarsinneqassasoq, allatut pilersaarut ”Avataq ApS-imum pilersaarutitut siunnersuut” itigartitsissutigineqassasoq aammalu pilersaarutitut siunnersuut ”Nuna Immikkoortoq Nutaaq” inaarutaasumik akuersissutigineqassasoq.

Ingerlatsivimmit aningaasatigut sulisoqarnikkullu naliliinerit

Ingerlatsivimmit erseqqissaatigineqarpoq, pilersaarummik piginnittup kommunimut pilersaarummut tapiliussap suliarinissaanut aammalu ilaatigut VVM-istik misissuineq kiisalu atortunut, sanaartorfissagissaanermut sanaartormilulu aningaasartuutissat tamaasa nammineq akilissagai.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviummik uppersaartitalit

- o Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- o Inatsisartut inatsisissaat nr. 34, 9. december 2015-imeersoq
- o Kommunimut pilersaarut digitalisooq www.kp.sermersooq.gl
- o Umiarsualiviit pillugit Inatsisartut inatsisissaat nr. 9, 3. juni 2015-imeersoq

Siusinnerusukkat aalajangiinerit

Sanarfinermut Avatangisnullu Ataatsimiititaq, 27.04.23:

Inassuteqaat amerlanerussuteqartunit (IA, N aamma S) akuersissutigineqarpoq. Inassuteqaat ikinnerussuteqartunit (D) itigartitsissutigineqarpoq.

Aningaasaqarnermut Inuussutissarsionermullu Ataatsimiititaq, 09.05.23:

Inassuteqaat amerlanerussuteqartunit (IA, N aamma S) akuersissutigineqarpoq, imatut oqaaseqaatitalerlugu: Avataq A/S-miit pilersaarutitut siunnersuutitut saqqummiunneqartut nunaminertamik allamik periarfissaasinnaasumik ingerlatsivimmiit oqaluunegarnissaat amerlanerussuteqartunit kissaatigineqarpoq.

Inassuteqaat ikinnerussuteqartunit (D) itigartitsissutigineqarpoq.

Kommunalbestyrelsi, 23.05.23:

Immikkoortoq kinguartinneqarpoq.

Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Allatut pilersaarut, Avataq ApS-imut Pilersaarutitut qinnuteqaat
4. Naliliinissamut immersuiffissaq, Avataq ApS
5. Pilersaarutitut qinnuteqaat Nuna nutaamik pilersaarusiortiffissaq
6. Pilersaarummik piginnittup allagartai, Nunataaq
7. Naliliinissamut immersuiffissaq, Nunataaq
8. Pilersaarutitut qinnuteqaatinik ingerlatsineq
9. Pilersaarutitut qinnuteqaatit misissuiviat
10. Inatsisartut inatsisaat nr. 34, 9. december 2015-imeersoq
11. Siornatigut pilersaarummik qinnuteqaammut, Avataq ApS, itigartinneqarsimasumut suliasamik saqqummiussineq
12. Umiarsualivimmik ineriartortitsineq
13. Ataatsiminnermi allattukkat

Illoqarfimmi immikkoortup sumiiffianut kommunimut pilersaarummut linki:

<https://kp.sermersooq.gl/da/aalajangersakkat-aamma-malittarisassat/illoqarfik-nunaqarfik-aamma-illoqarfimmut-pilersaarutit/nuuk/2b5-da/>

Punkt 19: Lukket

Punkt 20: Lukket

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 13.58.